


文翰大成

二十五

五言古詩元



漢書門			
類	號	函	架
類	一	四	一
架	三	四	一
函	三	四	一
冊	四	一	一
冊	一	一	一

內閣文庫			
類	號	冊	函
類	一	四	一
冊	一	四	一
函	三	四	一
架	二	二	一

內閣文庫		
番號	漢	3741
冊數	100(14)	
函號	362	68




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





文淵類選大成卷第二十五五言古詩目錄

漢文原

許仲平二首 郝伯常三首 周景遠二首 牟獻之三首

姚公茂一首 王士熙一首 杜若川一首 趙子昂五首

鄧善之一首 元裕之七首 劉夢吉九首 劉祁三首

李仁卿一首 林景熙一首 盧處道一首 苟宗道一首


何得之八首 何太虛八首 安熙四首 虞伯生三首

真仲章一首 馬伯庸一首 范德機四首 陳子山一首

小谷四首 夏伯成一首 胡伯友五首 余琳容二首

真率四首 胡汝為一首 葉仲輿一首 董鑑翁四首

趙德元一首 汪林達三首 李仲美一首 程子正一首



文淵類選大成卷第二十五目錄



胡彥良四首 甘思學三首 楊煥然一首 吳維申一首  
胡士則一首 趙半間二首 鮮伯機一首 吳幼清一首  
滕玉霄三首 袁伯長四首 盧彥威三首 張伯遠一首  
揭曼碩計二首 黃子肅九首 薛宗海六首 韓明善一首  
黃晉卿六首 陳衆仲二首 傅汝礪四首 劉文廷一首  
張仲舉一首 甘允從二首 余廷心二首 周伯溫一首  
徐天逸三首 吳彥輝一首 倪元鎮二首 楊西亭一首  
陳子上一首 楊仲如一首 揭伯防一首 孫居仁一首  
吳敬庭一首 吳師道一首 胡梅畊二首 周德可一首  
汪公濟一首 汪復亨一首 楊信可一首 馬易之一首  
薩天錫一首 留若愚一首 錢思復一首 錫子興一首  
揚廉夫三首 盧廷舉一首 孫元實二首 張夢辰一首

釋象原一首 余士平一首 蔣季和一首 張志道一首  
錢伯全一首 李象賢一首 釋西伯四首 周履道一首  
蘇昌齡一首 曹新民一首 孫履常四首 劉師魯一首  
黃松瀑一首 于介翁一首 楊季一首 陳直方四首  
陳濟民一首 周本心一首 祝蕃遠一首 揭希章一首  
丘東野一首 彭元亮八首 湯子文一首 董伯大一首  
張士敬三首 張伯遠三首 徐一甫一首 陳元弼二首  
江林載一首 湯思敬一首 王道章三首 程景伊一首  
馬子尚一首 常仲微一首 熊勿軒二首 劉穀之一首  
胡汲仲一首 毛靜可二首 李仲公三首 杜仲梁三首  
何夢桂一首 劉會夢一首 劉衡一首 尹仲明三首  
李季和二首 張惟中四首 丁鶴年八首 吳立夫七首



許益之詩四 葉景南一首 張光弼詩十四 黃元鎮一首  
張伯雨一首 釋碧虛一首

文翰類選大成卷第二十五目錄終

文翰類選大成卷第二十五

左長史上海李伯璣編輯  
伴 讀慈谿馮厚校正

詩類五言古

元

有感

許仲平

嬌兒未成人 病苦不肯退 憂傷動中懷 慘心欲碎老妻情  
更惡中夜泣 相對何如早 還歸山陽墳 壘在平生所願心 展  
轉不得遂 十年誤同遊 回首只多愧 病連肺肝深 因覺妻子  
累 悠々故鄉情 滴々眼中淚 孤死知首丘 人生戀鄉土 我心  
久焦勞 宿疾安能愈 所愧還故鄉 遺骸近先祖 他事三嗟嘆  
西風動寰宇 歸興不可歇 歸程待何時 悠々故鄉心 一夕千



聖馳西風動霄漢慘令人悲况我多病身天涯久栖遲交  
游義難忘豈忍輕別離重念丘壟遠嬌兒正愚痴因循死異  
邑後世將何遺所願經營日及此未全衰樹桑墻以下開畦  
水之涸既得紓困難且可為鎡基幼無孝弟稱老無息澤施  
唯有近先塋一死乃其宜諸君苦留連雅意金蘭期我自無  
遐福形骸變焦萎生平尚求友得友還差池中懷起愁嘆欲  
別難為辭試將問吾廬何日當西之緩急有擬議行止更無  
疑作詩叙悃欵為報吾親知

別西山

大山如蹲龍小山如踞虎烟嵐鬱蒼翠遠近互吞吐我來薊  
門居遨遊成樂土策杖望朝雲卷簾看暮雨任意豁襟臆勝  
槩入談塵使我鬱陶消使我勞瘁愈生平鄙吝心一洗出千  
古回首聲利人何殊坐圖園遠役非素懷况有跋涉苦吟鞭  
長東風遲遲如去魯芳菲一二月追遊盛梅塢歸來願無違  
一觴期對舉

和陶形神影三首

郝伯常

萬象生道區受形各有時運會迭來往寢揚誠壞之妙合我  
初疑爾亦即在茲隱見陰陽中幻化無了期寤寐一生死寐  
然匪為思我勞為有此爾苦勿涕洟請看聲與響相隨復何  
疑大都本無有相贈徒費辭右形附影  
靜陰乃道影範圍無巧拙大車轉通達轍跡豈能絕妍醜君  
固有隨君非慕悅日月相代明焉能與君別思君不如我君  
沒我不滅生死無加損得失豈內熱因物不逐物原之靡衰  
竭君終復隨我茲時見優劣右影答形



出入生死間妙物不自著物之弗為物超然變新故二子一  
醯雞羊負相胃附成壞不在已安用相告語元陽初化時靜  
一是好處在之靡方所悠之無定住陶老信達者得失委命  
數全神乃遺形種林修釀具一醉樂有餘陶然忘毀譽醉夢  
曾弗辨町畦都削去既不將不迎亦何憂何懼能逃世上名  
豈有身後慮 右神釋

李札廟

周景遠

名馳御史

古人不可及冥晦美淳德一功成功名煥爛照無極季子賢  
大夫劍佩遊上國微乎禮樂意洞達有精識迄今二千年欲  
繼難再得我行故城闈寂寞弔遺跡廟古丹雘漫階空苔蘚  
積翔禽集中雷懸網掛虛壁鄉人尚加敬瞻仰自及昔歲時  
修蹟祀塵土走巫覡吾徒志為學不肯競朝夕景慕將何如

江海赴涓滴

館娃宮

吳中山頗多戲、至莫數靈岩號神秀踞地若蒼虎呀然啓  
坳窪迫窅剝洞戶上騰空濛氣日夜為霧雨流傳館娃宮泯  
沒復何所琴臺耀殘照香徑存荒莽當時競繁華至此益淒  
楚子胥名世士樹立智且武殺身暴其君於國竟何補哀哉  
實忠憤金石為消沮丈夫各有志豈意濟艱阻夔契亦斯人  
祭耀映終古

九日和陶

牟獻之

名獻陵陽人

驚飈舉落葉意氣何軒、秋高百卉盡寂寞但空園何異富  
與貴變滅隨雲烟緬懷陶彭澤平生極幾研朗詠貧士詩相  
對如晤言今人之所取古人以為賢



翁媪兩白髮蕭然老江干大兒荆溪遊折腰豈為官諸兒走  
其縣亦各營一食別多會面少端復坐飢寒諸幼且眼前笑  
語開我顏勿問賢與愚懷抱俱相關

和趙子俊秋日閑居二首

窘步殊踳踖戶限久不逾若或繫維之愧彼空谷駒俛然念  
平生我亦酷信書所得不償失每與憂患俱飲水飯脫粟此  
意豈願餘貧實為我累舍貧將焉如堪嗟嗜利者死甘謚為愚  
九日忽已過霜薄陽光稀未漉頭上巾先典篋中衣時物上  
有菊採掇頓爾稀對酒胡不飲坐看白日飛五勝更因匪萬  
事誰是非且復進一觴酒盡情依晚蝶抱孤蕊無乃昧先幾

題號國夫人夜遊圖

姚公茂

名樞柳城人  
學士丞旨

宴安懷鳩毒蕩佚國將亡緬思天寶載聲色迷君王朝政出

多門十九分權網其誰堪炙手秦虜連諸揚扳拊勢莫比所  
異保拊房宮中陪宴樂晝短疑夜長重為長夜遊細馬馱寶  
裝胡不秉明燭冥行撤禮防一從此風熾野鹿踰宮雉五岳  
出洛泝四海同慘傷維時所貴顯赤族亦罹殃馬嵬脂粉暗  
岷山涕泗滂明年雖幸還大海翻田桑山河增慘澹日月銷  
精光問民瘡瘼中哭廟煨燼傍女寵禍何酷百悔不一償在  
莒豈足擬于茲不可忘

送郭子昭淮東經歷

王士熙

名維學東平人  
浙東廉使

夫君黃鵠姿氣排青雲上嵯峨栢樹枝冰霜激清賞鋒錯太  
阿鮮韻叶玄石響淮海今勝正疆場記疇曩省俗出凋瘵主  
畫酬軼掌南浦春波深迢迢桂舟往論交心獨傾撫別意增  
惘古毀瓊花開題詩寄遐想



述志

杜若川

寧狂百里步曲木不可息寧忍三日飢邪蒿不可食雖云食  
息頃便分淑與慝志士當莫年聞道轉歷要使此一身如  
琢復如滌整冠與納履微嫌貴疏剔未若瓜李地絕不見吾跡

古風十首

趙子昂

詩亡春秋作仲尼益苦心空言恐難託指事著以深大義炳  
如日萬古仰照臨鳳鳥久不至楚狂乃知音愁來不得語起  
坐彈吾琴

周衰有戰國紛紛極荆榛黃金聘辯士駟馬迎從人朝為刻  
骨讎暮作軟血親終然志力屈奉身俱入秦  
相如賦大人出語頗竒怪飄然凌雲意過耳誠一快誇言入  
無際自覺塵俗隘安知翻成勸何用名為戒

自有天地來蓬萊幾清淺人生空皓首舉世誰得見瑤臺在  
何許渺渺煙波遠方舟不可渡使我空展轉

絕代有佳人被服綺與紈蛾眉秀聯娟吐詞酸若蘭清歌啓  
皓齒瑤琴發哀彈一彈再三嘆聽者涕沈瀾借問誰家子為  
言本邯鄲

秋風吹庭樹故葉紛已墜明月耿夜長草蟲促經緯四序苦  
不淹少壯何足貴展轉復展轉寤辟不能寐昔為閨中秀今  
作市門鄙豈無膏與沐甘心得憔悴

山深多悲風日暮愁我心玄雲降寒雨松栢自哀吟人生百  
年後奄然閱重陰念此每不樂天路何由尋僊人倥傯輩道  
遙在青岑柰何不爾思委命重黃金

海中有竒樹粲粲珊瑚枝由來植物性無脛可推移如何石



氏子樹之白玉墀洛陽經幾戰金谷久荒夷後令千載下聞者為傷悲

烈風號枯條落葉蒲周道原野何蕭索川流亦浩浩離居日以遠懷思令人老功名會有時生世苦不早顧瞻靡所騁憂心怒如擣

浮雲何方來不知竟安之飄颻隨風去汗漫以為期自昔功名士往往事驅馳白駒空谷中誰能加繫維皎皎難見容翻受世妍蚩虛名誠無益不見斗與箕

逸民詩九首

驅車秣駑馬吾將適齊國聞有魯連子倜儻好奇畫一談秦師走再說聊城拔功成不受賞高舉振六翮布衣終其身豈復為世役茫茫千載遠安往訪遺跡躊躇東海上向風長太

息

四時相代謝榮耀安足恃瓜田引新蔓不見桃與李知士解其會遇坎當復止邵生故秦吏乃亦睹茲理賢哉感我懷三嘆不能已

子真初亦仕歲晚乃逃之區區南昌尉上疏忘其卑忠言不見用耿耿當告誰飄然棄妻子終身與世辭抱關甘貧賤所遺莫我知至今九江濱清風激群黎神僊信茫昧此士獨不疑孤雲無所在逝水何時歸遐思一矯首悵望無由期

悠悠空山雲泱泱長江流廊廟意不屑山澤聊淹留故人在天位高步追巢由豈曰子無衣辛苦被羊裘東京多節義之子乃其尤窮居雖獨善輔世豈不優

汪汪千頃陂不為人濁清道周言行表蕩然無得名誰言牛



醫兒乃是人中英當時無間言後世流德聲思之不可見使  
我鄙吝萌淳風久已漓此意豈復存時無君子者雖賢寧見  
稱

南州有高士食力事耕稼優游聊卒歲不矯亦不隘大木行  
欲顛絳纒豈足賴何為諸老翁栖栖不遑舍斯言非無見明  
哲自高邁誰能懸一榻待子來稅駕

鹿門何亭亭下有避世賢鳳雛隱中林卧龍蟠其淵一朝起  
高翔斯人獨深潛功名不可為我志久已安一聞耆舊傳使  
我心悠然

黃鵠羽翼長一舉思千里幼安本中原乘槎走東海舉世方  
尚同遠引存吳志流風漸異俗敦禮化鄰鄙子魚平生友胡  
乃不相委

塵事非所便田園久見招歸來三徑中蔚蔚長蓬蒿雖有荷  
鋤倦濁酒且陶陶茫茫大化中委運將焉逃唐虞去已遠由  
來飛一朝粲粲霜中菊采采忘其勞

雜詩

四時更代謝物化常隨之春華曾幾何歲月忽如茲嚴風動  
高樹百草俱已衰人生况有役憂患乃其宜棄捐勿復念出  
入由化機安得松喬術邈焉世相違

遊南山憩山下人家和韻

馭馬南山陽下馬望絕嘯解衣坐盤桓言就蓬廬偃非無扳  
援力興盡自應返天高暄風息木落歲華晚勢阻乏遐觀趣  
得心自遠不有君子辭何用抒繾綣

送程運副之杭州



益為生民食日用猶水火雖非飢所急一日無不可但令商賈便那復愁國課數年人壞法貪欲肆偏頗利多歸私室民始受盜禍爾來又計口強致及包裹權酷窮滴歷征商及避邏東南民力竭此事非細瑣朝家更政化選擇堪負荷君為尚書即精白色嗟之明當戒行李往理吳越柁祝君無別語編戶要安妥湖山多勝處亦可供宴坐談笑尊俎間佳聲滿江左

趙村道中

昔年干戈動兵塵暗二吳長江已無險智勇亦難圖築壘依平山謀國一何愚楨榦群林空遺址莽丘墟至今蓬蒿下猶有白骨枯天陰萬鬼哭慘之荒山隅興亡自有數不敢問何如獨伶野菊花立馬為躊躇

詠懷二首

美人涉江來遺我雲和琴朱絲絙玉軫古意一何深長歌和清彈三嘆有遺音逸響隨風發高之不可尋奈何俚俗耳折楊悅哀淫此道弃捐久沉吟獨傷心

明人秋夜月流光照羅幃隱憂從中來起視夜何其草虫催杼軸札之鳴聲悲良人遠行役萬里歸無期子髮已曲局膏沐久不施回身入閨房愁思當告誰獨有今宵夢遙之為君馳

雨中次范德機見寄雜興韻

鄧善之名文原巴西人國子祭酒

窮巷積陰雨離居寡悵情安得墟埃風逍遙余上征長日有逝川春花無晚榮永懷山澤居好遜潛英聲於陵方灌園龐公不入城此意豈忘世詠歌以濯清今我夢江國嗷嗷鵝鳴不憂芳草歇但恐白髮生歸休企前哲矢言著真誠悠悠



莫識察思子携手行

箕山

元裕之

幽林轉陰崖鳥道人跡絕許君棲隱地唯有太古雪人間黃  
屋貴物外祗自潔尚厭一瓢喧重負寧所屑降衷均義稟汨  
利妄智决得隴又望蜀有齊安用薛干戈幾蠻觸宇宙日流  
血魯連蹈東海夷叔采薇蕨至今陽城山衡華兩立堙古人  
不可作自念肝肺熱浩歌北風前悠悠送孤月

耕讀軒

束帶見督郵甘以辞華軒嘯傲南窓下且樂我所然斜川今  
在亡問津有遺編行尋柴桑里遂得桃花源桃源無漢魏况  
復義熙前讀書與躬耕兀人送殘年淵明不可作尚友乃為  
賢田家豈不苦歲功聊可觀讀書有何味有味不得言遙知

一尊酒琴在已無絃

飲酒二首

西郊一畝宅閉門秋草深床頭有新釀意慙成孤斟舉杯謝  
明月蓬蓽肯相臨願將萬古色照我萬古心  
去古日已遠百偽無一真獨餘醉鄉地中有羲皇淳聖教難  
為功乃見酒力神誰能釀滄海盡醉區中民

後飲酒二首

少日不能觴少許便有餘比得酒中趣日與杯杓俱一日不  
自澆肝肺如欲枯當其得意時萬物寄一壺作病知柰何妾  
婦良區也但愧生理廢飢寒到妻孥吾貧蓋有命此酒不可無  
客從崧少來貽我招隱詩為言學仙好人間竟何為一笑顧  
客言神仙非所期山中如有酒吾與爾同歸



任運堂詩

官職有何好凜々蹈危機車塵及馬足捧手忍低眉棄去何  
足道無從脫繫維不如聽其然歲晚倘可期上堂壽慈親兄  
弟如墳箠菽水足為樂况有甘與肥人生天地間長路有險  
夷遇險即欲避焉得皆通達君家北山翁百世留清規樂天  
而知命行矣君何疑

仙臺

劉夢吉

碣石來海際西南奄全燕中有學仙臺燕平欲升天燕平骨  
已朽遺臺猶相傳雖復生青松歲久摧為烟極目望海波不  
見三山巔三山巨壑驚簪仙人機風然使無不足論信有亦可  
憐大塊

心會有盡何物為神遊空  
聖浩歎秋風前

泛舟西溪

萬山倒滄浪一葉凌嵯峨嵯峨為飛舞翠影如婆娑輕陰散  
雨足淨綠生圓波人間碧海幻老眼青銅磨風雲豈千古辨  
此雨一蓑溪南有幽人鼓棹前山阿烟深渺無處月色浮  
松蘿

重遊北溪

蒼黃澹野色草樹含清暉林居隱葱蒨晴嵐散霏微歸雲有  
真意鳴禽發天機勝處必深會輕觴豈虛揮山泉來何從北  
望空依依

飲山亭

飲人不飲酒千載誰與期賴有此山色我杯時一持西郊遠  
市井林亭對山暉主人知愛客釀酒無虛時佳客麟鳳然人



亦難致之君亭有吾山招飲當不辭

和擬古

朝遊易水側步上燕臺荒燕王好神仙不見金銀堂江山古  
神器海色圍蒼茫哀哉王風頽日化爭奪場救世豈無人賁  
志歸北印撫此重長歎青山忽軒昂呼酒樂今朝佳三置一  
方遙知蓋棺後亦起千載傷

經古城

我行常山尾高城墮吾前按轡覽形勢依之見全燕易水開  
前襟飛狐連右肩遙想豪傑場撫已增慨然薪人過我傍一  
笑如相憐指城前問余考古今幾年沉思未及荅行歌入

蒼烟

西山

西山澹無姿中有羲皇前翻思太古人事業何不傳三墳亦  
何罪世遠成灰煙紛紛後來人皆歿死爭朝妍勳名史一策學  
術文千篇古人豈不然後有無窮年惟餘方寸心天地相後  
先

霍節婦

貞塵浩無際烈士難自全婦人無九首志欲不二天燕山霍  
氏女既嫁夫防邊一朝聞死事健婦增慨然生有如此夫早  
寡非所憐求屍白刃中負土家山前事去哀益深義盡身可  
捐無兒欲何為所依惟黃泉鄉隣救引決烈日丹衷懸誰辨  
節孝翁重賦睢陽賢我昨過其鄉山水猶清妍聞風髮如竹  
飄蕭動踈煙千年吟詩臺峨峨太寧巔為招馮太師和我節

篇



黃金臺

燕山不改色易水無新聲誰知數尺臺中有萬古情區區後  
世人猶愛黃金名黃金亦何物能為賢重輕德輝照九仞鳳  
鳥纔一鳴伊誰腐鼠棄坐見飢為爭馬道日東漸二老皆西  
行養民以致賢正業自此成黃金與山正不救兵縱橫落日  
下荒臺山水有餘清

古意

劉祁

秋江有芙蓉顏色好鮮繁寒裳欲采折水深不可涉嚴風下  
飛霜芳艷空凋歇悵望一長嘆臨川無桂楫

懷長源

涼月夜如水秋風吹紫蘭獨居悵無聊佳人阻河山山河山邈  
千里相望何時已雲橫鴈影沈露下虫声起烽火照中州西  
南殺氣浮君居劉山下果若向時不人生有離別但惜知音  
絕匣內臥青蛇光芒射秋月汴水碧參差葉飛空樹枝如何  
相憶處還值暮秋時

送雷伯威

朔風起天末落木鳴空山水霜正凝互游子百里還出郭送  
將別徘徊上高原如何睽離情對此芳歲闌壯士志四方不  
頂涕沈瀾人生非山海會面亦不難願子崇明德餘功振文  
翰長因東南鴻惠我金玉言

觀主人植槐

李仁卿

主人有佳樹移植庭之隅繁柯雖翦去不敢觸根株朝澆復  
夕灌乳井幾成枯諷諷角弓詩古人能起予愛樹尚如此愛  
士當何如



南山有高樹

林景熙

南山有高樹，寒鳥夜繞之。驚秋啼眇眇，風撓無寧枝。託身未  
得所，振羽將逝茲。高飛犯霜露，低飛觸茅茨。乾坤豈不容，顧  
河空自疑徘徊。向殘月欲墮，已復支。

寄蕭徵君惟斗

盧處道

名華 涿州人 號 跡齋 翰林學士

秦中幽勝地，迺在終南山。盤石負磊磊，清泉散瀟瀟。悠悠古  
君子，豐壘泉石間。曷史紛坐隅，衡門畫長閑。種菊餐落英，襲  
芳佩秋蘭。道脛德充符，怡然有餘歡。鳴鶴時一來，似愛孤雲  
間。孤雲不能飛，鳴鶴遂空還。泚泚桃李艷，鬱鬱松柏寒。羲和  
駛春輝，歲晏霜露繁。感物有深傲，懷哉邈難攀。

蔚州元氏怡齋

荀宗道

八元乃八龍，嶷若瓊樹林。難兄復難弟，感激恩義深。室家宛  
相好，如鼓瑟與琴。翩翩鴻雁行，鏘鏘鸞鳳音。二王一品題，價  
重雙南金。終當仕虞朝，藹然列華簪。要在風俗淳，不異古與  
今。他人有兄弟，聚散如飛禽。閱牆不相能，干戈日相尋。尺布  
半粟，論行路為傷心。常求廢已久，角弓義湮沉。因書怡齋詩  
以為友于箴。

感興二首

何得之

名失 昌 平人

飲酒莫啜醜，結交當求知。論人先論行，相馬不相皮。一諂人  
何敢，三讒親亦疑。投身入屠釣，猶勝坐書癡。  
人皆欲富貴，我豈願貧賤。青雲一差池，如藥弗瞑眩。幼學苦  
不多，夜思曾得半。人也髮盡白，梳頭雪滿面。長恐愧鄉閭，一  
朝死愚懦。

招費元播馬德昌飲

卷二十一 五



積雨釋炎熱涼颼變清商薄帷納朝景倏爾頽西廂念我二三子不來復一觴言笑吐蘭菊芬芳粲中堂仰慕不昨日忽別若殊方况各迫桑榆何以永夕光

對酒

古人不我俟不共此酒醇此酒復易盡不能俟後人並世有不察異代若為親茫々宇宙間此抱難具陳惟應空中月分留大江濱

招暢純甫飲

地白雪方作城烏夜始啼風枝久不定達曙未能栖長安多逆旅客意勢連鷄豈不懷其瑤念子寒與飢我甕酒初熟葡萄漲波黎野老日無事出望幾千回如何不見來覆此紅螺杯

老病

老病積漸來筋力日覺墮南園一步地杖藜不能過階前宿雨晴屋角紅日大不是賣花聲曉夢誰驚破

莫吟

獨老朝々出或醉莫未歸高樹挂新月山妻候柴薪飲伴更相送欲辭意難違感此鄉曲情決下忽霑衣

野性

野性等麋鹿長林足遊盤焉知廊廟器我々魏其冠有時一壺酒花下自成歡妻孥儘辛勤生理固其然我今雖白髮敢不思古賢

風雨

何太虛

各中臨江人

池上風雨來柴扉人迹絕隔水烟氣生林峯半明滅蛤吠秋



草深魚驚晚荷折孤坐倚床微紅隱天末

知非堂夜坐

前池荷葉深微涼坐來爽人歸一犬吠月上百蟲響余非洽  
隱淪隙地成偃仰杖端斗柄斜撫心獨悽愴

西湖山

峩々西湖山靈秀入空碧蘿陰轉累磴松色清幽石微霞生  
絕陁飛溜洒散壁鶴鳴岩光動花落雲影坳危林登古壇百年  
此一息聲影混大荒不見興滅跡剛風三天寒元氣萬里色  
悵望仙子期疑神撫玄極

游穆山

秋陰出南郭佳色來遠山悠然度野水却宿前林間朝氣銳  
幽步相携上尋顏行穿綠蘿遠共愛青杉閑已窮高原路忽  
得雙石關飛烟帶香氣深木藏幽澗景宴鍾磬寂桂花滿苔  
斑道人一尊酒時聽風珊珊多悟從此始塵緣諒能刪空廓  
對微雨亦復不知還

贈元復初

暖雲汀青堤光風轉芳甸遠在天一涯幽沉限聞見點々秋  
歸鴻翩々春來燕天路萬里通胡寧絕遐睠竒姿奪南國悵  
望愧踈淺良會尉宿心願君畢歡宴

發新淦

振衣上野航回首謝山阪日澹秋水空風清片帆遠沙光侵  
岸發峰影隨人轉前渡烟火深離亭今路緬

招仙觀

逶迤溪南路窈窕招仙谷空堂兩道人殘碁映深竹一葉響



疎籬雙鴉啼高屋出門隨歸人遠燒在山麓

宿田家

村暗烟火生林深雞犬靜麥花如積雪月色淡相映鄰家夜  
汲歸寒蛩滿幽徑

擬古次韻四首

安熙

中州有寒士塊然守空堂清貧久有信壯懷殊未央豈不願  
馳騁冒雪凌風霜振策萬里途超忽追鵬翔永念同懷人渺  
在天一方悵望不可見慷慨發清商獨處誰晤語百感摧衷  
腸人生諒難必且莫徒悲傷

采栢空巖下倚竹荒庭前人生非金石君心詎能堅君心或  
有渝賤妾終不疏天地一瞬息今古一長途借問離別苦君  
心竟焉如不見園中樹日日爭華敷秋風一夕至已逐嚴霜

和歲晚不得去山空難久居

崑崙一何高出此無窮河遙遙何所往不啻萬里多一意在  
朝東日夕無停波遠游計不早壯志成蹉跎夫君不我顧鬱  
鬱將如何覽物悟物變端居閱年華興來展遐眺緩步空山  
阿四顧渺塵世杉栢紛森羅吾樂成何極憂子獨長嗟眷焉  
誰晤語一笑空煙蘿

人生有定分所貴能樂天自輕失所守欲進安敢前思君重  
思君此情誰與宣舉頭見明月顧影徒自憐終當謝塵世洗  
心聞澗泉

題上饒方瑞伯可竹軒

虞伯生

江上多美竹所至山谷盈獨在君子軒倚有餘清特達遂  
直氣虛中絕塵情比立既不阿均長亦無爭雲來表文采風



至發音聲所以宜治世參差為鳳鳴慎戒自剪伐泯然負  
生成

題商德符華山圖

昔祠雲臺館行穿御堦栢夕陰嵐氣深重碧照行客獨訪張  
超谷漸覺岩險迫水生玉井頭日射仙掌側豈無鐵瑣懸翻  
身若飛鷗恐煩華陰令不柰昌黎伯王事况有程車馬何忽  
忽流觀終南山周覽天府國尔来十七年欲往不再得山河  
想躑悠傷殘轉蕭索摩澤商老圖彷彿希夷宅高扒蓮花峯  
白雲澹秋色

次韻袁伯長賦陶心

憶昔白雲君高居保黃寧夕煉黃帝鼎晨註神農經群真時  
滿座逸響每盈庭寸田既無畔幽閑那有荷飛凌萬物表凌  
中流汎蘭柁望彼嘉樹林落日蕩野水浮雲生夕陰魚游戀  
芳藻鳥鳴在幽岑為樂恐易老吾將脫朝簪

趙千里出峽圖

巨舟臨峽口衆工志如一各以所操濟雖危萬無失所憂至  
平曠玩肆生縱逸母俾持釣翁倚岸三太息

出直次韻

月下白玉階露生黃金井疏條栖鵲寒衰蕙流螢冷戀闕感  
時康懷歸覺宵永晨鍾禁中來白髮聊自整

夜直賦得金鴨燒香

黃金鑄為鴨焚蘭夕殿中窈窕帶斜月逶迤動微風綺席列  
珠樹華鐙連玉虹無眠待顧問不知清夜終

哀陳童子



南山有鳳雛飛來上林樹祗承朝陽輝不食秋夕露珠零海  
氣盡壁毀月光曙巫陽不能招荔丹滿洲嶼

讀伯庸學士止酒詩

貢仲章

名奎宣城人  
江西提舉

今晨不可出大風吹我惟陋巷泥沮洳空墻雨淋漓研朱課  
兒書冥思解群疑敲門童子來袖有止酒詩讀之至再三擊  
節喜且悲若飲以玄酒揖讓陶唐時峩峩古冠裳執彼璋與  
圭短褐纔掩脛藜藿空忘飢風雅久已衰作者微君誰嗟我  
重景仰老大將何為

書上都學宮齋壁

馬伯庸

齋居芹宮旁永日少人跡清心慕古躅簡編頗紬繹徒自傷  
迷民位卑力莫及苟祿亦可羞吾將反蓬華

節婦王氏

范德機

名特臨江人  
憲司知事

妾垂帶鈴歸來塵世外曾孫宴虛亭所志在高遠三峰列青  
冥頽然得所止一念三十齡岷嶓安明珠旭日曜帝青盤桓  
有童子松根求茯苓

于仲元舍賦紅梅

白雪不成夜丹霞遂崇朝妙質承日映飛英向風飄醉來紅  
袖近歌罷綵雲消揚州問何遜何似董嬌嬈

題儋耳東坡載酒堂

翳之儋耳城歷々枕柳樹百年遺故丘新堂設賓作清風海  
上至朝陽在庭戶丹山五色鳳覽德屢來下

盜發亞父冢

盜發亞父冢瑤劍寶累之家開瑤氣畫獄吏書盜辭盜言  
惟見瑤寧知亞父誰項王不相信弟子遂輿尸黃腸下深鋼



千載復何為大河在城東落日在城西過客立城下躊躇望  
安期

杞菊軒

高軒何所植杞菊交根枝紫實既秋熟黃花亦晚滋嘉名信  
可愛可以樂予飢此邦號富庶士賈志懷資蕭條山石間誰  
復見惇嫠遺脫兼并餘椎剝無完肌縱守百畝受寧得安耘  
耔種此跬步內庶無征奪思採擷勿違節烹茗貴有宜三咽  
可千歲逍遙奉天隨

月出古城東

月出古城東海氣浮空濛車騎各已息宮闕何穹隆牧馬草  
上露吹茄沙際風帳中忽聞雁傳令穀雕弓

寄題周氏水木清華亭

夫家事姑施衽輦夫婿良家元世籍為王官雖聯朱紫貴不  
習綺輿紈過庭執詩禮開口若鸞滿風儀在一時爭作玉人  
看天地忽降毒摧折青琅玕回首四十春景光若流九貞心  
守松柏芳性軼芝蘭落月驚惟惜西風機杼寒沉思往昔事  
淡下紅闌干豪客至茅屋與家林巒入房衛病姑身犯白  
刃攢相向義憐釋視死色無難親知為歎息保社為辛酸欲  
與上州府為妾旌門闌妾寔無所願所願在兩安婦人往從  
人阿母涕洟闌送行遺之語敬順無違歡匹偶固有時寧知  
憂患端辛苦蹈物變豈羨身獨完殷勤謝舊故聞者摧肺肝

贈安西王奉常

車聲何輒去我亦翩借問車中人幾時到秦川秦強數



千里西與雲棧連行人秣過鳥猿啼上青天長安古帝州宅  
土腴不偏聞君各平昔宦遊抵晏眠十齡涉文史十五懷家  
羶二十學壯遊五十綴朝聯奉常老掌故今已二十年功業  
晚何就蕭蕭髮垂肩天子念逢掖錫官煩靜便紫衣縮墨綬  
此是車中緣飄飄上都門白馬錦連乾舉被招青山孟光老  
猶賢大兒坐車軒小兒調馬轡中兒又絕好國語荷珠圓旦  
夕候君至買金清渭壩此皆足尉意月食官俸錢俸錢足養  
親親自育主田人生莫富貴富貴翻受憐不有鍾鼎食亦無  
膏火煎前日三市事目擊心凜然當時氣凌人不得呵烏鴛  
觀君浩蕩去萬事當奔捐孔子不西行及河軌載旋今君涉  
河汜西路方綿綿終南與嵩華是中多神仙仙掌出浮雲上  
有三峯連真人玉拄杖挂在明月孩便當往從之吸景升大

玄金鼎交龍虎使我神完堅奈何二三月百憂集離筵空花  
如錦機野色交相鮮楊柳亂愁思萬條散青烟我不酌美酒  
敬讓故人先從碎琥珀杯獨洗春風前春風澹無言徒以別  
慮牽別亦無所慮所慮應當宣願及相思時中腸鬱久纏為  
吹雙紫燕銜書到君邊矯蕭徵君珠貝藏龍淵一別如列  
星隨天夜移躔鳳有五色瑞時下岐山巔請君問起居歸來  
定何如

苦熱懷夢下

苦熱不可極念此西南風誰云灑氣遠乃是庭戶中我家百  
丈下井上雙梧桐向夕集歸鳥未秋足鳴蛩自從別家來江  
海信不通宛維桑思願隨孤征鴻夜夢白髮親歡笑携稚  
童倚門望子歸未歸憂忡東皋無良田何以待歲豐盛年



將稱意無為學轉蓬

送方永外往教重慶

汲水得明月倒影上青天客行三十年未識蜀月圓中宵夢  
巴蜀秣馬絆燕服成都雖云遠未到意已足遠意不可期宿  
夕宛見之雲迷飛鳥道雨急臥龍祠干戈何草草祇說渝州  
好但得渝州官其就渝州老渝州古雄城彭君舊建旌至今  
江石天猶有故時名豪傑久已矣空城俯流水復有江東人  
來使州士方侯天機深大雅托遺音沉潛萬夫敵脫略五  
湖岸限別我往長抱仙人掌疾風吹大旗落日明斜舫即  
此少知無限思巫山桂樹發折寄定何時

陽程景伊有筠樓

陳子山

名祖仁

飛下出青... 曲闌宛若在林樓其上

文史高明還日躋方期下彩鳳自可降青藜

秋懷寄二弟并示諸子姪

余小谷

名茂幹

明發不能寐開軒坐南榮悲風何方來山木策々鳴少壯漫  
不省病身最先驚憂端那可遏短歌聊據情

空山四無人疇與共秋懷有弟各一方抱病只自哀寫之寄  
子姪根本願深培肯不忽吾言吾死心亦灰

四十學無聞但有病日增嘔泄及一載藥鼎空前烹泉竭不  
自中安能復久生看彼青々木秋至還凋零

近世西山翁讀書甲乙記希聖與作相垂憲亦云備杰何天  
地間人若不立志秋曉卷書坐撫几發長喟

寄題嘉興王彥良教諭春波漁者

夏伯成

名章

子家双湖上羊裘臥烟雪昕夕一虛舟釣雲還釣月時發欸



乃聲隔浦桃花樹花外錦鴛鴦齊飛鏡中度題詩向孤嶼把  
酒對芳皋晒蓑臨晚照鼓柁亂輕濤双湖興自佳微官滯歸  
迹每望吳山雲思弄双湖色黃鳥音初泚白魚春又肥還將  
錦溪棹送子双湖歸

送別李伯寔五首

胡伯友

情通萬里親遠別恐遼絕裴回言笑間眷愛終糾結以鏡投  
月中相照一何切上下雲與塵輝光豈淪滅  
我有五色絲投子錦綉機前織鴛鴦紋後織連理枝一疋裁  
為双卷懷各置之千歲兩端合永無焚所治  
梧桐在高岡上結朱鳳巢大鷄刷毛羽小鷄亦飄飄朝陽蔽  
浮雲衆鳥擊咬之翱翔覽德輝企何為動搖  
十五結交初大學同詩書纏綿二十載双々水中魚君髮今

已斑而我白鬚須同門半為鬼成材者誰數我心永如

匪繫君裾

司馬文如錦所少者黃金金多反致愁文為治世音昔病今  
已愈書草復盈襟文園倘見招為我恣歌吟

偶成二首

余外容 名闡

永日不可暮長夜何時旦自昔士遇人撫景每興歎寒暑各  
有常無乃重憂患獨於羈旅中此語若可玩杜陵厄窮途窳  
戚登顯宦用舍信所逢苦志終勿換勗哉勤進脩長途無畫  
半

吳天行日月秋序倏云杪颺々寒夜聲涼風動林篠反側不  
成眠攬衣待天曉云何百年間多被世界擾理順事不違心  
定物自小悠然得真趣言盡意難表



病起

方德昭

名晉明

人生百年間往々如過客吾生未六十須髮早已白自持歲  
寒心謬比公與栢衛生之良藥疾病日侵迫天運苟未窮流  
年豈終厄依然冰雪姿蒼々見顏色

衢江舟中懷江實夫

仰止爛柯山故人渺何許行舟不可艤回首重延佇涼風吹  
客衣秋樹濕殘雨多情双鷺鷥翩翩向洲渚

送孫彥周赴南雄路同知三首

黃誠父

名真仲  
金華人

翩々朝陽鳳濯々青桐枝文采燁神化禎祥應未期天風動  
地起百鳥不得追豈不念桑梓昭代須羽儀

瀛洲種瑤草清芬結紫雲搖曳燕寢月駘蕩薇垣春世人惑  
蕭艾總々方避塵願言雨露流芳遍無恨

觸暑越大嶺豈奈車屏星滲江采夫容聊寄遠別情南州得  
冰雪瘴霧行以清合并將何時秋風海樹青

山中晏起

葉仲與

名衡

朝日上高松山人臥未起柴門自反闕黃葉滿山地念昔束  
冠帶待漏夜忘寐鄰鷄始喔々顛倒着衣履上馬常恐遲余  
髮不暇理嚴霜曉漫々容鬢日凋悴從朝忽達莫役々不知  
止幸茲遂閒退庶以恬四體晨興無餘事灌圃引流水所願  
蔬菜長聊足樂暮齒長歌頌聖明林下望天陞

齋居雜興

董鑑翁

名自明

天地始一氣清濁相細縕尊卑一以陳品彙如區分三光西  
北流萬派東南奔恢然有象外往聖置勿論誰云四大地須  
彌為之根厖言惑群愚愷悅非所聞



宣尼述古典斷自陶唐篇鴻濛不足徵開闢知何年况乃秦  
火餘敗壁收殘編不存卜筮書庖犧亦無傳嗟之三季後喙  
喙紛蛙蟬雲和靡遺韻懷古心悠悠

山雲起膚寸斯瀕盈八區湯之百川沈不足供尾閭於烏寓  
至理天地吾其軀斂箴妙無朕者見斯有餘欽惟聖賢心千  
載同一符

文籍古未作人心有全經風俗自淳厚乾坤亦清寧後人蓄  
萬卷垂白猶覃精辭華約畫錄行誼逾春冰網常遂淪戮寵  
利紛趨營滔之誰復易泯之吾何徵緬惟鄒魯傳允矣昭  
儀刑

擬古四首 汪真率 各四

行之重行天下有正途但能審所由不畏岐路殊古來堯

桀分祗在疾與徐小人務巧捷顛躓非所唐君子寧有死徑  
竇不忍趨平之皇極路慎勿以為迂膏車往吾馬逝將達天

衢

涉江采芙蓉登山拾瑤草瑤草不可期芙蓉秋已老歸來北  
窓下燕坐據梧槁乃於靈府間欣然得吾竅神工謝琢磨妙  
質自妍好承以白玉盤藉以五色繖向來涿芳華悉力窮探  
討悟賞自有真默識貴不早

客從遠方來千里復萬里道途苦不遙四海同一軌高冠何  
藐之長佩亦纒之虛懷出羲皇清標映園綺問客來何為相  
從采蘭芷豈無梁肉味所性不在彼飢食百陽薇渴飲箕

山水

孟冬寒氣至天地日以肅芸之萬木歸窈之群動伏如何遠



行客中道悲黃鵠良田既已荒嘉種何由執  
月如轉轂誰言故鄉遠回首在吾目歸來  
遠復

海鷗 胡汝為 號桂林

皎々双白鷗海上老歲月人將加網羅有無  
自深驚波起飄忽風雨蔽空來不知飛復沒  
尚恍惚息影不

和太守亢思忠括蒼四景 江彦章 名文顯

古寺春陰

林關結春陰廓宇清晝靜東風吹不開禪窓  
疑欲暝林深禽  
自語雲密塔藏影佛地尚混沌未判鴻濛界

岩泉曉月

亭々石上山皎々泉底月泉流月不動光彩  
結竒絕五更淨

無雲穹壤共澄徹旦氣廓清明郊原浸霜雪

紫虛秋風

魏々神仙宮只在雲深處清風從西來白雲忽飛去  
響  
珮環策々鳴高樹上有步虛人飄飄駕鶴馭

西山晴雪

積雪擁西山々色揔泚昨晴日烘不開萬壘  
積寒玉岩在昭  
回光玉龍蟠古木還宜拄頰看霽景眩吟目

雜詩 吳楚望 名漳

白日向西馳黃河復東注四時迭推遷忽々歲云暮凝霜凋  
百卉摧我庭前樹榮華易憔悴零落在蹊路人生只如寄不  
當草上露世短心甚長俛仰多變故胡為勞其形役々自馳  
騫臨風發浩歎耿々應獨悟安得肌骨輕  
舉飛步倒景



凌三晨坐閱光陰度

題松雲軒詩卷

趙德元

名元善 號拙齋

蒼松出幽壑將知化為龍飛騰固有時竟日雲相從下有柯  
山仙盤桓軒之中閑來種瑤草環珮聲丁東敲詩步明月跨  
鶴乘天風玩彼名利人何當謝樊籠

過東流縣有懷先子登第後筮仕於此竟不及祿舟

中瞻望用致追慕之情

汪外達

名仁立

泛舟過東流感慨傷中情風雲不早會遲暮將何成富貴等  
淫滛未用撓吾寧時來即可為六非人力能保此清白傳常  
恐忝所生孔孟日杲々大道中天行勉焉繼先志庶以善自名

東山對月

雲歸東山去月出東山來雲月互吞吐天容尚煤怡長風萬

里至雲翁如崩摧月輪升以高宇宙無纖埃坐久塵慮息悠  
然好懷開始照床惟露冷霜信催人間光霽少欲眠更徘徊

客舍懷余成季

夕陽在青山高夕陰早美人未歸來山外碧雲好稚子候  
門前酒熟黃花老

感興寄楊存仁

李仲美

名湘

急景疾若流歲月忽已老春紅散餘花秋綠罷衰草薄帷思  
遠人遊子涉長道嘉遇難再期榮名徒自保慎言金石交快  
意窮幽討目斷蓬萊宮雲濤空浩浩

竹雲軒

程子正

名養全 號正庵 又號白粥道人

淇澳無東周渭川非故侯高懷得妙領殖此清陰稠清陰滃  
如雲清賞何優游頗聞鳳鸞栖每為琴書留長安車馬塵悵



望良包羞明當策枕柳與尔相網繆

餘干烏知州德政詩卷四首

胡彦良名公留

刪後已無詩况乃魏晉下寧無麥秀歌古意向風雅采詩登廟堂托興自原野爰有公論好正在興起者

扁舟過干越春盡聞啼鶻城頭桑柘陰農事方在田夜深更點明比屋弦歌連於茲二三事可見君侯賢

聽訟固不易未若無訟難發奸得神妙不受耳目謾明古人意將貴求其端頃言助明德坐見民俗安

昔賢講學地猶有遺址存百年未興廢寧聞薄俗敦亦作閔宮兢應嶺繁斯文天未喪諸子其弗謖

時興甘田學名勉

交友以義合奚啻肉親千里有同心况我居比鄰黃有膠

與漆今為參與辰悵然內傷心古道日已秦淇澳貴切嗟谷風悼棄淪命也何足云天性其自敷

子牙垂釣圖

白頭把釣竿所志應在魚之腹藏素書得之登王車北晨迄頽運姬轍開一初我觀千載圖始信漁非漁

寄柯元德

遠客寄相思歲久字不滅問客何所為東海弄明月覲面生輝光道阻信難越空有千限情何由慰飢渴

諭內揚煥然名負奉天人河南廡使

天地具此身胚胎乃潛受甚者感異類焉敢計妍醜冠蓋傳百世万求一胃所以孟軻氏立言痛無後飄零風塵際拚作窮獨叟四年四懸孤吉兆自申酉願我果何人報施嗟已



厚今冬復爾耳喜在得分剖女亦吾所出胡為生可令天下  
盡男子無姑卒無婦伏羲畫八卦錯綜定竒偶阿駒才五歲  
見客謹拜叩稍愛紙筆門戶知可守女生願有家教之奉  
箕帚乘龍非所期隨分逐鷄狗

東園有桃李

吳維申

東園有桃李倚日如娉婷春風一吹拂過眼成青  
青不  
可恃行復秋已零誰能觀無始坐此累有形俯仰百年內死  
生俱未停

大明宮早朝

胡士則

名寬

蓬萊拂曙色燁煜舒祥光九儀肅清蹕日月開旂常聖人握  
金鏡繡衮臨玉堂咸英備雅奏圭璧輯群方歡燕洽湛露敷  
恩與龍章謳歌聲率土豈無達時康典文極藻績聲烈照前

沈音元復初春思二首

衣伯長

名楠號清密四  
明人參知政事

凍樹回青陽羈禽競新哢喧喧入  
詔浮稍稍春事動澄心絕  
芳華小睡足幽夢夢覺天宇新朝  
心集飛棟  
遠客芳草思湛湛天外舟坐令親  
知疏低徊此淹留古樹摧  
竒石清流匯芳洲素心諒有在胡  
不為茲游

送邵元道二首

仲連匡世姿揮手却秦軍掩袂停  
口日登車抗浮雲射書誠  
草草孤城死生分辭榮敦厚俗矯  
正九離其群  
襄陽孟浩然拂衣歸故山放浪岩  
石深流泳遺人間舉袖林  
花落擊楫江鷗還羊公何墮淚水  
劫耳日潺潺

送鄧善之提舉江淞三首

盧彥威

名旦汲郡人  
翰林待制

春秋嚴筆削凜若執玄鉞君獨  
遺經結髮袍剖厥明剖是非



心微探義理密下視群兒愚爭端一工正月竭來奮直筆浩然  
心思竭王功與帝德昭昭日月揭明為厭詞林擬欲觀溟渤  
榮華若浮烟汗簡青不滅

賜谷上寒日影射扶桑枝瞬息及山一天流光迅難持人生百  
年內昂昂何所施孤鴻東南征浮雲云西北馳可憐萬感身會  
合須臾期安得弄明月皎皎遠憂豈折花芙蓉浦蕩槳江潢  
涯優游以卒歲身名良不隳

我留君勿思君歸我當憶十年膠在漆一旦各異域吳江激  
微波震澤起暝色鷗鵬隔天地鴈慈為雜南北念我平生友愴  
恨摧胸臆獨看燕山雲歲暮日初曛八水言長風翔情寄南飛  
翼

錢祝直清 張伯遠 名立仁 號楚問

朝餐狙林橡夕飲虎窟泉幽棲豈不逸於茲為未全是少  
微生合輝麗中天雲蘿謝招隱冠帶趨興與曾生贊制作商  
老安疑然董子迷徵驗賈誼明經權盛德有遭逢志士無棄  
捐長貧若忘世一出垂千年折梅楚山阿賦詩江水邊寂寞  
思古人中懷為君宣

雪軒 楊仲弘 名載浦城人 宣城推官

北風海上來大雪何壯哉上下九萬里洗滌乎無纖埃君家十  
二樓軒窓洞然開吹笙擊鳴鼓呼賓與啣不血名言落四座大  
笑聲如雷舉頭望長空高興驚冥鴻仙入五五六輩飛下白雲  
峯紫明珠袍相從萬玉童問君何所事七不就丹鼎功翩然  
却携手共入蓬萊宮

題文丞相畫梅堂



大厦就傾覆難以一木支惟公抱忠義挺然出天姿死既得  
所處自顧乃不疑惻愴入江南名與日月垂我行見遺墨再  
拜墮涕洟名堂有深意亦惟歲寒枝可知五十年昔心慷慨非一  
時峨：著棟宇昭：示民彞勿使風雨敗亦不慰千古思

太古雪為楊友直賦

往時天大風能吹華山裂墜此一拳石咸云太古雪粵自開  
闢初雲氣所疑結已經六萬歲變化同巖壑望之色正白表  
裏共澄澈塵土不能浣光彩耀日月願君勿愛此持以獻金  
闕回中避暑時持用消暑熱

東山詩為葉子實賦

東山高幾許上有浮空雲葉君居其間好追風所聞窮年絕  
人事屹坐攷遺文松關畫畫長掩石田朝自七松葆真去汨昏養

息襲氣氤軒冕有遺榮高舉謝世紛悠悠阻林莽長與麋鹿  
群由來巢許臣不事堯舜君

贈溥真子

揭曼碩

名傑人佳

不斯豫章賢學士

蕩々白玉京超々溥真子十二求神仙服事立與李嵩洛二  
十載結茅白雲裏食是暘谷霞飲是玉池水鬼神真能識百  
念吹不起一朝忽騰化逕去不可渡飛駟服五龍角巾搖三  
花朝發扶桑國暮宿河漢槎朝食十歲桃暮食五色瓜長揖  
青牛君高歌度流沙還憩金張邸調笑許史家日食五侯鯖  
安能厭胡麻春風長安陌曉日邯鄲道迎人上青天送人入  
秋草竦身入八極天地忽亦老寄謝區中人全身以為瑤

送虞德備

管仲相齊國九合開基圖拔才筦庫中乃至七十餘虞君承



相後况復聖明朝青年賢才謂白髮沉下僚下僚不敢辭王  
事不敢遲五月日如火獻賦來京師有弟若班馬出入承明  
下天子親重之今無古猶寡乾坤再開闢乃得會音形夜語  
恒達旦歡意既平生朔風塞上來長橋絲如洗浮雲盡南征  
吾行何由止弟當奉明主一心致真禹相送東郭門翩然隔  
燕楚

雜詩三首

東風吹百草沿路一時生繇桃與艷杏遍野復盈城東鄰宰  
肥牛西里按新聲孰不乘時節為樂快心情平明出南郭登  
高望帝京大哉山河固喟然獨撫臂  
社日玄鳥至入我高堂飛舊巢幸永坼新泥復相依豈徒安  
爾躬復欲養其兒對語嬌且閑上  
遊差此勿因秋風起相

逐忽還歸

青之孤生松高出浮雲中下無嘉樹林上有萬里風俯視原  
上草秀色何丰茸自顧豈不高獨立難為容常恐本根蠹委  
此蒿與蓬

過江州

遙瞻九江樹已踏西江土落日照庾樓驚風滿溢浦寒鷗迎  
棹起遠岫依城吐悵然感霸遊澹爾成賓主白頭釣魚叟赤  
足浣紗女未識居者歡安知行者苦

寄彭通復二首

區之九州內橫縱四千里誰設山與河愚者分表裏涼師天  
下本萬國赴如水珠犀後南來狗馬後西止浩之荆吳船日  
夜行已至生材無定所一物孰非已皇天仁且廣君道亦如



此我思古成康當日誰共理

巢由伏箕穎園綺居商顏洗耳甘自潔茹芝竟不還三傑足  
為理五臣安可攀高尚誠所貴孔轍奚獨環吾聞有隱淪多  
在衡霍間飯牛腹長飢百結淒以寒懷寶羞自獻邈然老  
空山

自軒之臨川曉發

扁舟催早發隔浦遙相語兩色暗連山江波亂如霧初辟  
安峽稍見石門樹杳々一聲鐘如朝復如暮

送人歸豫章

積雨霽俱復故人今日歸手持毛生檄身著萊公衣玉樹  
秋月升英揚曉輝東湖徐孺子應怪久相違

秋夜作

露下氣逾肅月高寒欲流落葉砒前楮鐘城北樓衰年對  
急景歸心臨暮秋當世非無意才薄徒淹留

贈王郎

王郎楚狂士意氣飛秋霜讀書萬卷下筆數千行富貴視

浮雲况肯矜文章十五耻問里掉臂辭故鄉夜宿東海月朝  
買西州航瞋目王公前結客少年場一飲或一石一醉或一  
觴寧揖屠狗人不與俗士當千金不易笑歲暮單衣裳阮籍在  
窮途英声連四方鸞鵠有時鍛反愧燕雀翔世無劇孟交不  
及青樓倡燕趙如花人翠袂黃金璫不識豪俊士空媚癡與  
狂王郎遠過我坐我枯藜床終夕無酒飲撫髀歌慨慷平明  
別我去極目空茫茫

送李子威代祀嵩衡淮海

黃子肅



群生望甘澤五岳雲氣通天香落山石谷瑞靄春冥濛海潮天  
際來金碧森萬峰劃落紫翠堆亭宇玉芙蓉古廟絲竹存迎  
神奏黃鍾空山迎餘響落花舞青苔

古詩送王君冕歸陝西

狂風卷茅屋遙見溪上山人生有涯心合離別何足歎黃鵠將  
西歸臨水振羽翰我有雙明珠置之青雲端朝朝復暮暮照  
君千里還

訪子威都事不遇

清曉抱綠綺來就夫君彈夫君久已出野水流花間石澗渡  
微雨秋生湖上山松陰坐永日心幽雲俱閑人事有離合白  
鷗聊共還

送揚信父歸臨江

自別武夷君海水落幾丈當年尊俎地顛倒豈橫嶂君從山  
中來應見桃花開秦人笑相語愧我非仙才茫茫八極中雲  
月秋徘徊苦吟不出門孤負黃金壘劃然西風生拂我琴邊  
埃顛從雙白鶴去之不再回

山行二首

愛山不知倦緩步成幽尋觀泉度疊嶂携日穿層林曉被枝  
上鳥少憇松間陰蕭然清風來發我松下琴白雲邀我飲流  
泉永我吟曾謂城中人不知君子心  
采之岩下菊之老花墜地泉露飄我衣擷英不盈袂錚然松  
子落林下遠風至沈吟不成詩支筇領山意

番禺舟中聞友人消息因贈

岩堯九天門玉署青瑣闥老我烟霞心參商坐寥闊十年望



春雲不忍鑷白髮鴻鴈遠塞來頻之附書札  
江湖秋水淺舟楫苦不達不知南山陽梅花為誰發

武夷道中

積雨多浮雲百川合為一新晴落花深草徑沒行跡溪風淡和柔天宇浩澄碧諸峰出雲間淨若露初拭遲之策駑馬稍稍度翠碧從人不知疲佳境恣所歷松間古仙人燕坐岩下石羽化今幾年蒼苔滿双履乾坤妙無言小大自有得為我謝群芳春風各努力

送牟伯厚還雲

薛宗海

名漢不嘉人國子助教

西風起双鴻渺之度萬山空林霜霰落各之心飲啄難中途忽相失獨留諒無歡極目送冥飛風雲逸脩翎低回守矰網自顧形影单奮翅念遠舉天路浩漫之空想之湖水春風漲

波瀾

送馮少湘南祀

總章盛金德齋明赫當宇皇之遣天使肅之承聖語三熏禮岳瀆萬里涉梁楚祝釐歸堯舜降神出申甫南斗迎文星西風起儀羽樂車洞庭月旆濕湘岸雨壯吟鄙騷然高談洗儒腐過家猿鶴喜攬轡鴻鴈聚青闈閱賢勞黃屋深記注歸騎慎勿徐席虛玉堂署

送曹學士草詔畢還大都

日轂始巡幸風伯前汛掃宸衷自警畏廷論各至到黼飾資舊臣優渥發新號四方聽綸綍千載仰訓誥言歸玉堂署送別龍庭道戀闕信馬行及門聞鵲噪

和虞先生上京夏涼韻



登臺美皆春覆盆溪長夜以誰能均苦樂世道勤汎洒灑京  
逼穹昊重曠度朱夏下方工喘汗歎赫在爐冶南北各異  
宜敢訝行化者倦游念茗雲漁竿自堪把

書墨竹

當年文湖州愛竹骨已朽抵今高李筆可繼湖州後何人裂  
霜統寫此三五葉想見翠琅玕蕭然挺清節

和虞先生筋香

奇芬擣精微纖莖挺脩直地輕雪消皖火細螢耀夕素烟裊  
雙縷暗覆生半室鼻觀靜香參心原坐來息有客臭味同相  
看終永日

題水山首

韓明

名性會稽人

冷下風流人亦好乃蛟宮仙迥立清漢表翠裾濕

涼蟾暗白如霜  
期拾瑶草

東風老澄江  
憶相

釣臺晚泊

黃晉卿

四山環一水遺臺故嶺岼那無漁樵居政復不敢安舍舟衝  
微雨憑軒俯清灣恨昔乘祖舟無從寄游觀今我有行役乃  
尔容躋攀英靈豈念我為解塵土顏落日奠蘋藻清風聞佩  
環南尋謝翺墓林暝吾當還却去望岑碧孤舟生晚寒

鐘山

平陸漫千里茲山乃穹然猶冷布金地未即辭喧闐岩液散  
珠琲春岡走蜿蜒稍欣涉幽趣登頓衣屢褰路細石崛厓  
深竹娟之洞扉剗開敞峻峰指中天冥探歷嶽峯垂蘿弱容  
牽碧潭隱光怪華雨標崇燿下睨飛鳥背茫之但蒼烟眇默



玄圃期淒涼雲嶠篇休駕  
采能惆悵春風前

贈別葉審言

昔人稱好士乃有黃金臺  
黃金六何物頑用驕賢材  
葉君被短褐志力何雄哉  
北走叫閭闔紅雲指崔嵬  
終焉無苟售自保同嬰孩  
車服非吾榮黃金直浮埃  
十年今何官茅屋歌蒼苔  
豈無琅玕樹鳳飛故低徊  
一朝脫身去歛觀雲路開  
葉君善自愛往矣無嫌猜  
迷邦古所誚豈第貴不回  
願言吐奇膏落之林風雷  
尚念窮賤者衙門守蓬萊

送友人赴盧陽教諭

播非人所居潭陽實其隣  
荒淫雜巫鬼哀怨餘騷臣  
念子有行役水陸弥數旬  
乃知臯比坐竹承文翰  
賓遐徽指天未男邦控城闈  
俎豆當在列冠裳定來臻  
足明理化盛演溢周窮

有程其取別無遠心揚鑣  
觸炎熱振鐸驚遠人沅水  
春蕩瀟

楚山暮嶙峋行之慎其度  
離別非苦辛

效古二首

上山見明月下山月相隨  
月豈知我愛我行自見之  
故山日以遠故人不可思  
韶勤謝明月願爾無時虧  
女美衆所悅士窮世所輕  
重安足言泥盡水自清  
淮陰初寄食曲膝跨下行  
季子黃金多妻嫂來相迎  
自古已復然嘆息空吞聲

述懷二首

陳衆仲

雨過中夜涼殘月在林麓  
有懷不能寐起步松徑曲  
百川日東注何以洗流俗  
長河在天上手短不可掬



漢法賈人賤衣服林示繡綺當時販繒革赤鼓亦繁、項羽圍  
滎陽漢帝脫九死云一何戶牖公持此以為市平世多人才倉  
卒誰可倚我思魯仲連仲連天下士

經采石

傅汝礪

未明發蕪湖終飯入采石大江天同瀉巨浪山與敵松寒蒼  
虬姿崖古老鐵色甘六傍有仙塚云是李太白生為長庚精歿  
為大塊跡因思開元中出入蒙帝澤御羹白瑤杯宮研青玉  
滴恩榮日深重意氣何赫奕酣歌太華小豪飯渤海窄頗聞  
官中怒遂有天上誅四殷乱微子行楚昏屈原斥嗟哉唐家帝  
同姓逝安適何年茲遊千載但故跡騎鯨信縹緲捉月詎  
昏惑得非厭塵羈乃連寄客翻然委之去富貴何足惜杜陵  
平生友夢寐頻見悟心白骨為所求青山亦岑寂相去嗟已遠  
令人心悲塞舉杯欲酌之帆去招不得

清露軒

秋氣集太虛夕光溥高樹時聞陰液墜暗識商飈度旒星  
動林英、月霏霧涼扁息塵想幽琴寄玄晤寐歷松上聲道  
遙丘中趣釣天澹斜景銀河暖微素古調今所希太音誰能  
喻仙人飲沈瀼壽僉金石固千歲不可期空歌徒延慕

雜詩二首

植蘭弥九畹種菊被三徑幽芳固殊姿馨香良可並寒蘭以  
為美食菊以資命瞻言理蕪穢恒使枝葉靜蕪穢苦易侵枝  
葉若不盛豈無挑與李貴此諧野性

窮巷有畸人夙夜勤古道弊衣適至飭疏食恒不飽歌聲若  
金石顏色終歲好豈無當世念所趨惡佻巧美玉不足珍懷



義以為寶

賦得金鍾送宋顯夫僉事之山南

劉文廷

名聞安城人國子助教

蒼茫楚澤秋岩谷隱宮徵魚龍守軒轅  
南客月在船窓裏佳期不可尋相思滿湖水

題述律萬戶澹樂軒

張仲舉

名翥號蛟菴晉寧人翰林承旨

惟澹有至樂此樂世罕知誰能味無味捨彼甘與肥君侯文武才面有虎豹姿被甲起上馬出入百萬師西來樹功勳獻頌白玉墀方行大將權繞帳羅旌麾紛華艷人目孰不為系願願於方寸間物累乃若遺齋居寄遐賞而與山林期處樂寧易言豈獨靜者宜始知豪傑士自有絕世資悠哉澹中趣吾道同所歸

璫林臺為薛玄卿賦

廿元後

西山有崇臺上與雲氣通仙人紫霞佩導以双青童逍遙琪樹林盤礴璫華宮積石為玄圃連岑構空同纏々駐朝景冷冷度天風丹鳳刷儀羽終節飄曠曠矯首不可及滅沒凌飛鴻願言授靈藥與世無效窮

晚出西掖同柯樵士賦

薄暮出重闥逶遲望雙闕輦路猶輕塵上林已初月悠々文書靜去々車馬絕小草斷心長松承恩揔無別

雲松樓

余廷心

初日高樓上卷漫對黃山黃山出霄漢爛熳發青蓮參差非一狀朝夕看屢妍九華亦双鳥敬亭附駢筵漫々雲巖嶺沉沉松覆泉清焱坐中起如聞帝女絃靜有幽事樂動無塵慮牽消搖悅心目茲道可以年



八月十五日處州分司對月

玄武夕始正華月升秋景  
金波何穆穆綠桂滿中輪徘徊出  
西陸照耀此甌閩光流河宿隱氣隨商律振餘輝洞軒房紫  
蘭含微津皇天降嘉歲一政亦已陳樂哉一卮酒允矣同庶  
人

龍虎臺

周伯坦

名伯琦號雪坡番  
易入江浙左丞

魏々百尺臺蕩々昌平原  
隆々鎮天府奕々環星垣居庸亘  
北紀隩區斂全燕蒼龍女蟠拏白虎右踞蹲斯名豈易得天  
以遺吾元明々傳正統聖子及神孫巡歸遂駐蹕衣冠照乾  
坤山川皆改容草木亦祐恩章華民力竭柏梁侈心存豈若  
因自然張設一旦昏雄偉國勢重簡儉邦本敦年々舉成典  
宮中奏雲門

擬古三首

徐天逸

皎皎機上絲織為遊子衣遊子蕩風塵素衣化成緇風塵不  
可避四顧將何之豈不念嚙白徒重墨子悲勗哉加澣濯河  
水清且漪

娉婷閨中女天質知自愛空懷蘋藻心日月苦行邁寒脩意  
良勤遲遲如有待未嫁庸何傷失身將重悔

婉婉自結髮伉儷情義深夫征日已久魚雁成銷沉自怜鏡  
中貌衰白將鬢駸有衣誰為熏有花誰為簪願影雖無傳秉  
心猶斷金青天懸明月照影不照心

詠塵

吳彥輝名炳

氛氳隨飈集散漫依風度似霧暗津樓連雲隱郊樹漸迷鳥  
几色已失京衣素嗟予南北人長年事行路



聽袁子方彈琴 倪元鎮名璜 陵人

蕙悵凝夕清 高堂流月明 芳琴發綺席 列坐散煩纓 迴翔別鶴意 縹緲孤鷺鳴 一寫冰霜操 掩抑寄餘情

送李徵士過荆谿訪王司丞

何處尋狂客 故人王子猷 花殘庭前樹 風吹溪上舟 紫筍生 春雨綠蘋滿 芳洲心隨酒船發 悵望不能休

題馬元德知州華山春曉圖 楊西亭江蘇 貢士

三峰列金精 層崖麗璇霄 地高萬靈會 日出諸山朝 松陰停鶴馭 花間聞鳳簫 獨尋希夷叟 相與談逍遙

商婦怨 陳子上名高 永嘉人 秘書監丞

嫁夫嫁商賈 重利不重息 三年南海去 寄信無回音 妾身為婦人 不敢出 待君返 請君看淚痕

歌風臺 楊伯功名恕 鄞人

怒濤突千騎 上有崢嶸臺 六合一望間 萬里天風來 疇昔龍虎氣 芒碭深雲堆 煌煌赤幟立 赫炎炎運開 皇靈固有屬 亞父徒驚嘆 得志家海內 故鄉重徘徊 寤寐猛士守 宿將胡嫌猜 矧茲霸心存 咄彼後乘駘 朗咏三侯章 擊節嗟雄哉

汪大雅善隸書詩以贈之 揭伯防名法 豫章人 秘書監丞

漢隸變秦石中 即實云祖渾 元氣運生意 蓄未吐鍾梁已 小變唐遂失其武 迨元數公起 精妙可追古 鳳翥與鷺翔 爛然照中上 老成既凋謝 來者或未覩 紛欲爭高往 背前矩峭刻 少渾成癡肥 乏筋脊收斂 類畏縮軒張 或傷怒規 事模倣 又若優孟舞 汪君忽傑立 落筆蔡為主 見此神骨全 真若古鍾呂 美玉出荆璞 明珠還合浦 况當文物新 制作方



並舉紀常勒鐘鼎封岱禪梁甫大書與特書執筆當侯子具  
茲華國文名已登天府

題荷花卷送李山甫

孫居仁

名與號雪  
幾慈谿人

涉江采芙蓉江長浩烟霧搖蕩木蘭舟依稀認前路粉花委  
秋風翠實待寒露徘徊水中坻佳期未云暮歸來明月多權  
歌起鴛鴦

新春喜晴

吳敬庭

歲序更五日人皆悅春晴官曹喜休暇瘦馬成郊行冰消明  
水綠霧散山光明寒梅送餘香幽禽弄秋聲覽物俱得時悠  
然起深情蹇余佐茲邑慙負吏隱名撫字心轉勞催科政何  
成願言兆豐年擊壤歌太平

秋懷

吳師道

江南木葉飛江北百草黃風烟澹莽蒼悵望川途長寒思取  
其群鴻鴈忽成行俛仰念時物索居耿淒涼昔我二三友敦  
好攻文章漂零轉相失尺素不得將人生四方志企爾揚聲  
光登山豈無車涉河亦有航真誠諒不隔離別庸何傷

有感寄崔左丞二首

胡梅畊

楚人不愛玉，人不愛之此足寧可則此玉不可辱  
齊王不好瑟，人不好竽吾竽既不能吾瑟聊自娛

寄遠

周德可

邊風驚枕簟漢月耿房帷何處懷人切停梭見鴈時寒生衣  
莫寄瘦盡鏡先知願子長努力効忠歸未遲

感興

汪公濟

猛虎嘯荒嶺長蛟躍飛濤行人進水陸端恐遭杖劊吳



江深挾天南山高此誠一念烈彼亦無所逃居然就刺刺剥  
落鱗與毛桓、丈夫志袖手非辭勞

春雨歎

江復亭

天地生物心春雨澤尤溥陳芟發新苗草木競繁舞慨然念  
吾親青山一杯土逝水無回波慈容莫重覩依、菽水懽懽  
慘羨我苦九原渺長夜至痛負終古消息固有常恩愛豈伊  
阻杯圈口澤存授簡記音吐顯揚詎敢後萬一書報補

和揭曼碩兼懷武昌名勝

楊信可

親友日以踈江漢日以深孤雲懷海嶠倦翻思長林終然念  
所知沿流動悲吟豈無後日期邈若隔千岑安得好風來冷  
然入中襟日與親友會微言自規箴

宿赤城館

馬易之

休駕赤城館憑軒望前山飛雨西北來烈口酒石壁間風寒樹  
撼、木落沙班、牛羊盡歸村微燈掩、松閑野老頗留客及  
此農事閑傾筐出山果濁酒聊慰顏移盃對金閣靈宮鬱孱  
顏安得吹簫入乘鸞月中還

過池陽懷李白

薩天錫

名都刺心鴈門人閩憲心知事

我思李太白有如雲中龍垂光紫皇案、仙筆生青紅群臣不  
敢視射日、盡盲脫靴手浣鞵蹴踏將雷、十雄沉香走白兔玉  
螺失顏容春風不成雨殿閣懸妖虹長坐八佛紫、手撫青芙  
蓉掛席千萬里遨遊大江東放舟玉鏡潭、弄月秋浦中濯足  
五湖水掛中九華峯羈懷正浩蕩行樂、不及中白石齒爛、  
貂裘淚濛、神光走霹靂水底鞭雷公、不石波浪惡青山雲  
霧重我有一斗酒和淚洒天風



寄遠 留若愚 名府

征夫往幽燕賤妾住吳越參商二十載綠鬢生華髮年々望  
飛鴻目斷愁不歇秋盡冬復春葉落花面入發恨君願妾身不  
如天上月行幾萬里東出復西没又由小出夜光夜光頻照  
妾容謾比花君情遽如葉念欲走後丑心離別雪性本飄蕩  
多美入顏色皎如雪所樂在新知誰復△心離別雪性本飄蕩  
雪質易虧缺何如賤妾心不轉堅似鍊丑心看望夫石千載名  
不滅

洛陽陌 錢思復 名惟善

駘車洛陽陌周道何逶遲玉帛走侯甸今△湯固城池潘令好  
桃李阮生多路岐銅駝卧荆棘索靖獨止兀知

擬古 錙子輿 名堪

千金買明珠百寶裝帶鉤寶帶縮同心明珠垂兩頭△人結  
新歡託體相綢繆再拜稱主壽持巨奉千秋

送客洞庭西 楊廉夫

送客洞庭西雷堆青兩△陳殿出空明吳城連蒼莽春隨湖  
色深風將潮聲長楊柳讀書堂夫容採菱樂懷人故未休望  
望欲成往

要離塚

金昌亭下路春草沒荒丘云是要離塚令人生古愁侏兒三  
尺餘不佩雙吳鉤中包猛士膽白日照高秋忍死屠骨肉視  
身若蜉蝣荆軻不了恨慶忌成身謀如何五噫客死與爾同  
仇

存與篇



東家萬金產西家百屋錢鋼以鐵門限自比長城堅須更一  
轉首後人不能傳却觀存與者非帑非聯阡巍然一高閣閱  
世而弗遷問君何能爾但指方寸田

新嫁娘

盧廷舉名昇高唐人

新婦調羹湯小姑綉衣裳新婦不停手小姑不下床新婦語  
小姑尔亦不自量尔年二八餘寧久阿母傍請看綉針底文  
彩双鴛鴦春風一朝起持贈畫眉郎尔姑別我去如我事姑  
璋

宇文子貞至驛為松江諸色田糧事賦古詩二章贈

孫元寶

朝行谷水東莫行谷水西谷水日日流驛舟日日来驛舟來  
不已波浪日日起

執行谷水西莫行谷水東傍人指驛舟舟中有春風春風吹  
谷水照見桃與李

生日自責三十韻

張夢辰名摺

西有濯錦江東有自滾湯南有樹頭酒北有地種羊我生四  
維中曾無一線長仁獸乃騶虞瑞鳥為鳳凰帝江解音律火  
鳥識興亡老我嗜書史亶亶空文章聖德不暖席賢知亦賣  
漿飯牛百里奚誣金同舍即我何專一隅跬步費籌量緹縈  
小女子有策陳未央姬滿甫髮戲對言如珪璋退畊力不任  
進升心未違我髮日種種我生日茫茫頽然六十翁宇宙湏  
眉蒼一子峭孤立力穡不救荒三弟各奮飛食祿天一方今  
年耳重聽兩眼無童光長笑却秦兵大哭救楚王少不向鶻  
薦老無事鷹揚今日屆初度妻子具壺觴坐我方惻然置身



飛李傍看核雜前陳旨酒弗願嘗聽我中心辭授琴彈慨慷  
父母生我時艱險且徬徨三日不尊食俾整棺衣裳皇天與  
后土覆載德汪洋展墓渺何時望望白雲鄉惟有罔極恩九  
死不足償妻兒悉我意嗒然摧肝腸請後事斯語沒身不可  
忘

關山月

釋象原名仁

白楊風蕭蕭胡笳樓上發壯士不知還羞對關山月去年天  
山歸皎皎照白骨今年交河成明明凋華髮交河水東流征  
戰無時歇斗酒皆楚歌歌罷淚成血

春夢軒

余士平

名詮撫州人

池青草色暖蝶曉花枝滿花滿復花稀春歸蝶亦歸蝶歸春  
杳杳春夢何時曉推枕看東風幾人春夢中

舟中夜雨

蔣季和

名惠番揚人

蕭蕭蓬上鳴默默蓬下聽聲催寒氣饒勢逐風力勁擁余客  
未眠維楫江初暝不似瀟湘時令人動高興

蛾眉亭

張志道

名以寧古田人翰林侍講學士

碧酒双玉瓶獨酌蛾眉亭不見李太白但見三山青秋色淮  
上來蕭然滿雲汀安得五十絃彈與蛟龍聽

贈瑞雲林上人

錢伯全

名壁華亭人

英英谷口雲鬱々溪上林形影偶相值去留復何心握筆攬  
秋思倚窻延夕陰誰云市朝遠亦是惻幽尋

和友人過西郊韻

李象賢

名莊海寧人

秋原晚蕭曠杖藜荒徑微川迥衆漚集天清孤鶴歸寒烟蔓  
草密積雨豆苗稀臨流擬結構息鞅振塵衣



趙千里田家四季言四首

釋西伯

名萬金吳郡人

桃花浪已深楊柳風猶弱隣曲欣往來逢迎勸耕作徒犢不自暇老農良有托共醉社日尊陶然得真樂

蚕事方告成鳴蜩有新聲插秧雨初遍治草日不停雜坐高對陰解衣午風清作勞時自逸孰謂非常情

湛湛露華白蕭蕭楓葉殷黃雲平已斂玉粒終不慳官賦戒早輸農家期暫閑酒熟互招飲只在隣里間

欣逢大有年困積庶稍豐滌湯已十月朋酒邀諸翁處之擊壤熙之詠幽風兒孫自生長樂與堯民同

吳越兩山亭

周履道

兩山夾江水孤亭橫翠微吳雲與越鳥千古不停飛風崖洒松瀑月壑舞羅衣王氣未消歇霸音今是非長歌一盃酒掃

席延清暉

題萱花為賴善菴賦

蘇昌齡名大年

亭亭萱草花歲晚顏色好興言北堂陰樹之可怡老懷歸未能游子悲遠道披曷歌白雲天末蜚鴻杳

贈顏守仁

曹新民名慶

吾友夢谷生其人美如玉平生鉄石心剛介不可辱寧甘首陽貧寂寞在空谷懷哉能幾見高風激流俗

擬古四首次楊志行韻

孫履常名輟臨川人

涉江采夫容江水何澄鮮朱華映朝旭窈窕薰風前相望不盈咫風波良獨艱攬之置懷袖撫玩空長歎春榮眾所慕泯默無復言

孟冬寒氣至眇彼庭中樹忽得故人書中有相思句故人隔



異縣相望良獨苦  
候虫鳴廣除落葉被衢路  
淒其對搖落登  
高詎能賦白髮生鏡中  
荏苒泝年度故人歲寒安  
亦有濟勝具相期  
佩飛霞共飲金莖露

青々河畔草春至不復腓  
延緣被陂坂飽彼牛羊飢  
荏苒時序遷王孫終未歸  
西風一蕭瑟楚客空傷悲  
安知壯士心金石乃不移  
陰陽無停運垂柳生金絲  
鳥鳴百花開迴首乃爾為  
丈夫貴自勛千載以為期

明月皎夜光出自河漢東  
衆星爛以繁牽牛正當中  
永懷乘槎人上與河源通  
溯遊往從之杳々將安窮  
至人凌倒影千載幸一逢  
願言攬其袪一洗塵埃空  
乘風遊汗漫歷三天九重  
有志未能就憂心徒忡忡

贈劉禹玉

劉師魯

名汾 郿川人

劉郎方朔後游戲紫泥海  
千年華表非唯存寸心在  
何來浙河西雄辯吞虹蜺  
手携九節杖東入蓬萊栖  
我時探禹穴同看山陰雪  
千人萬人中恠子獨超越  
朝騎白鼻騮暮逐油壁車  
得錢即付酒携妓顏如花  
踏翻豪俠窟醉狎山人家  
或嘲狂處士或誚報恩子  
從渠立名多詎識子奇偉  
一朝去鄉國北上爭吹噓  
家無十金產袖有萬言書  
所陳果何事為國非自計  
寧遭丞相嗔肯負丈夫志  
蹉跎十數秋甘與黃冠儔  
善藏倚天劍未暇摩斗牛  
幡然走山東隱跡隨壺公  
還尋岱宗去絕壑凌天風  
鷄鳴上日觀眼亂扶桑紅  
窺臨事未已逸氣橫萬里  
行歌齊魯間興為廬山起  
廬山秀可餐怡此冰雪顏  
揮毫洒瀑布五老開雲關  
遠公拍手笑喜見遺民還  
乃知士不偶正可遊名山  
去年臥衡岳聊憇四海脚  
馱垂君平簾懶



賣伯休藥却呼魏夫人共把流霞酌今年與山辭下走湘水  
湄臨風吊賈傅酌月招湘累文章本踈蕩強忍終技癢光怪  
不可收倏忽又千丈有時遇知音朗咏山中吟復恐見輩覺  
不得容山林茲辰忽聚首尉我別來久辛勤四十霜所獲竟  
何有却懷居東時勇以功名期烏知尚漂泊筋力供路岐舉  
杯置往念此去安所之南窺古雲陽更了山川奇山川固娛  
目慎勿過幽獨柰何白雲歌再送劉十六乾坤眇蒼茫回首  
眷空谷我將秣其駒乃不受羈束願子無遐心歸哉返初服

望雲

黃松瀑名可土號石翁

日出五丈高白雲浩如海城郭在雲中山人在雲外望雲  
氣深入雲氣淺亦欲入深雲不知雲近遠

感興 于介翁

群栖平沙鴈有警奴輒鳴：多謂奴衰衰傲墮弓矰姓之中  
林鹿以媒誘其群相呼入罔若鹿死媒獨生骨肉不相信効  
忠况他人輕言託心腹賣友終不仁君子能審交四海皆  
弟兄

晚憩澗北亭

楊季

我性喜消散東園時獨行高亭俯絕澗下有流泉聲秀木翳  
繁陰朱華散微馨踟躕澹忘歸夕露濡我纓人生忽如寄何  
乃苦營之優游在空谷飲水有餘清

寓懷寄蔣希文四首

陳直方

風雅日淪弃鮑謝悅人久正味乖衆嗜誰具易牙口文繡同  
世願布帛已何有朱弦而疏越此瑟薦清廟  
古來文學士秉筆侔天工造化妙莫窺恍惚迷西東險易造



兩途臨岐果何從知幾惟哲人為我開愚蒙  
西白不厭頻幾度風雨夕青燈照無眠疑義相與析每於方  
策中痛為和氏惜三別獻荆璞未遇真賞識天然希世寶珉  
砥豈同日韞積而藏諸善價終不失  
朝來有爽氣悠然見停雲虛襟啓幽軒佇立延氤氳好風不  
東來俯仰空無垠何當乘變化上下從朝曠世事每相違將  
誰與同群

題趙德宣慰代友人償債卷

陳濟民名思濟江西廉使

人以利為利、等丘山高能以義為利、等輕鴻毛偉哉趙  
使君重義輕帶力周急乃君子而况同氣交、游負宿債代  
償曾不勞錐寸抵死競紛、災見曹孟德風火不作千載空  
慕佳聲足傳播復有御史謚予詩在安可謂金之紹尚類

君疾心推之及蓬蒿又願君疾位鈞衡早持操躋民富壽域  
永無逋逃

秋燈

周本心

繁華忽已飛殘書稍復整玉虫吐孤照茅齋夜初永青熒洞  
古心寂寞吊寒影耿、一室外人世皆夢境

下第南歸別俞伯貞

祝蕃遠名蕃上饒人饒州教授

駟車出東門別酒忽在手去國古所悲况復失良友荒、丘  
中委鬱、道傍柳揮手從此碎烟雲黯回首

中原道上次歐陽齊汲韻

揭希章

中原七郡地氣厚風還淳天分澗瀍水路入河洛春聖賢所  
經營繩準相均平六合昔有隔一觀恨無因懷哉此盛區理  
者皆先民曾經龍虎啖重為狼羊貧大君幹元化細物涵深



仁一士行其間鞍馬猶逡巡解帶思古道題詩清路塵望迷  
黃河北欲度正愴神遺黎當道隅涕說青城濱青城不可說  
迴首傷天津

雙結峰

丘東野

溪上立亭千載不肯筭山花巧粧束戲弄山鳥啼昨夜海  
風來一霎夢行兩烟雲迷西東欲望不知所

明鏡

彭元亮

名炳武  
夷人

明鏡倚脩筠撫擊自清絕明河夜無聲茅亭四檐月露寒雀  
夢醒山花落香雪白雲雖無心今宵倘怡悅持杯欲問之忘  
言楚天碧渺然思美人芙蓉似顏色乘鸞月明中青霞擁鸞  
翼藉之別離時吹簫苦幽咽

冲冲

日月行天高日月行天深高深億萬古斂之一寸心冲坐  
盤石壁樹落秋子欲涉九疑山風吹白雲起玉壺滿清露可  
以沐九州縹緲桂林西霓裳歌未休

蘭在二首

蘭在楚澤蘭在楚山古人見心易今人見心難  
蘭在幽谷行子在岐路蓼蟲居蓼中人生不知苦

渺然

明月照脩竹繁露驪龍珠風起青松枝白雲行太虛人心海  
一粟獨涵千古餘乾坤不敢先渺然萬化初安得挽銀河從  
今洗天樞

愧淺

漢宣在冲幼危食劔刃間壯大履宸極罔知丙氏恩大夫在



帝左侃之不自言光武草昧時嚴陵相與友乾坤洗滌瘡痍文  
鼎乃天子子陵被羊裘逃往釣江水兩公絕世賢愧死淺丈  
夫何敢擬高風尚不漂母如

無為人所憐

前有億萬年後有億萬年萬形此穹壤百歲指一彈古來多  
少人滅沒已不聞草木與同腐可怜生世間獨有聖與賢明  
名長久存聖賢在世時小心常畏天終始履周道沒身無過  
言所居至廣大靡物可與權萬乘不為泰一瓢亦自尊我當  
師聖賢無為人所憐

楚山

楚山琢青玉斗酒浮漢江叩舷歌明月慷慨過楚邦亡國非  
所卹鹿門思老龐此心出萬物富貴焉可降臥龍拜床下高

風古無雙

湖上觀春

湯子文

名炳龍  
號世付

閉門五日雨出門萬山春湖光忽見我搖蕩白髮新九節瘦  
筇枝一幅故葛巾桃花勿相笑聊復此紅塵有錢困鞭笞有  
官繫卯申洞然一山間餘此自在身但恨不能飲我亦無  
事人

金陵節婦王氏閨闈幕官闕文興妻也文興死漳寇

地遠不能返葬火其骸王氏亦投火死

董伯大  
名甫

夫為婦之綱義與君父俱結髮為夫婦生死誓不渝奈何俗  
日降詩詠淇梁狐衛風首柏舟萬世昭良模傷哉闕氏婦故  
家石城隅從夫事戎幕遠涉瘴癘區一旦失所天曷託千金  
軀昔為堂燕双今為鏡鸞孤平生皦日心肯受行露濡捐身



赴烈焰如雪投紅爐夫以身徇國婦以身徇夫忠貞古自効  
節義同一塗飛魂逐炎烟殘灰委寒蕪行路為慘怛卓行絕  
代無茫、海天鶴寒、霜林烏天倫事至重世教孰與扶潛  
德苟不彰何以厲下愚賴有直諫士紀實悲遺珠堂、忠傳  
筆耿光發幽姝篇音極摹寫是乃良史徒

題鈇山陳君實聚遠樓三首 張士敬

我登聚遠樓四望山矗、山光似爭席面、送晴綠寒乳碧  
落雲可以縱遐矚人棄我乃求充然遂吾欲  
豈云太華高、視一拳尔豈云昆侖遠、視不盈咫胸中包  
八荒芥納九萬里公何遽如許即遠當自適  
聚銅、可山聚金、可谷聚易散則難人生貴知足何如聚  
遠景領覽在吾目卷舒一箇間毋勞費重僕

次韻湯昭翁述上饒道中神祠見疊山謝公咸溥未

題壁言時相 張伯遠

英雄豈不死隱忍全親年一朝得所歸大節非細繁生氣貫  
北斗高風肅祁連尚懷艱難際天遠無路言至今古道傍直  
筆書不原顛危遂彼相猛士徒在邊姦骨朽亦已千載猶腥  
聞曆運有興替仁世方洪廷賀監記殘壁令威忌歸仙想當  
盤礴時慷慨廻長鞭土偶果何神猶能護茲全乃知天有道  
青史烏足傳有客賦楚屈無人歌齊田感子古意長淒吟不  
成篇

古別離

生別真別離死別覩可接問君何能知夢寐固不隔死別則  
相行一別死未得萬里有征人九泉無戰國



浙江潮

疾雷宣天威怒潮泄海氣陽機運無偏不受陰所制逆流豈  
其性剛力激之起初疑鬼神使久覺造化理天地與低昂魚  
龍頗軒輕壯於此巨觀直自開闢始舊聞海更古別有蓬萊  
治樓船去不歸潮水依然至吳兒亦輕身尚弄沼中戲朱旗  
閃翠蓋出没浪花裏馮河聖所哀百年會有死死不作子胥  
生當隨范蠡

寓言 徐一甫 號天樂

若樂有冥之結髮與君婚中道棄我去白馬駕華軒燕趙之  
佳譽吳楚多嬋媛妾自守空房蟪蛄網妾門妾身當自愛敢  
謂君少恩

秋懷二首簡鄭景尹 陳元弼 名良臣

涼風鷓鴣鳴秋色雨中老閉門少來客落葉紅可掃幽林鳥  
爭宿晚景山更好夜靜情不眠寒蛩叫秋草  
慷慨中夜起開窗見星流月明樹影踈秋聲響蕭颯美人天  
一方欲往道阻脩念之不成夢從之邈無由彼鷄亦既鳴君  
子將焉求

李陵泣別圖 江升載 名臣

黃雲黯將莫白日寒無暉送客渡河梁惆悵難別離胡馬雖  
善行按轡姑遲之初心孰予察後罪甘誅夷君老既堪去我  
乃無家歸陽春滿皇都長負平生期

題張仲羨自得齋 湯思敬 名禮

衆流同一原一本貫萬殊茲理苟深造自得固有餘張侯名  
齋意取彼孟氏書進為豈無方結構便所居住木蔚四時流



水環前除於焉既有得民物吾與俱俛仰心自寬天地吾其廬

新年書懷 王道章 名璋

瀟灑十日雨葍半月春閉門坐裏闌人境無來塵靜觀宇宙間萬象陶化鈞而我不易操楚之難華身急景勿可貸白髮日益新耕閑惜疲犢鈞寒冷酒鱗生計固已拙吾寧守吾貧

題鐵山卷

冰山不可倚銅山未為榮寵極必見奪勢盡還自傾今子異於是乃號鐵山名動以鐵為操靜以山為形况乃百鍊餘陶冶功已成卓立天地間歸然使人驚莫作繞指柔所期常錚錚聲名從此大拭目看崢嶸

題劉秘監為程如章作兩山圖

三山仙子宅五嶽神人居舊聞兩山間惟着隱士廬程君得其所不與盤谷殊野服縱疎散日與樵夫俱東看紅日上西看白雲舒相看兩不厭盤礴足自娛伊彼老泉翁木山以假為中峰屹自况傍比大小蘇所樂固有異中果何如秘監倘知此落筆難成圖

乙酉九日同月德明董宗文登高 程景伊 名亮式號有筠

陰氛滌玉宇霽色展初旭良辰動好懷三五縱遐矚因勤東山雲邀我舉双足飄然升其巔飲酒歌一曲落帽孟參軍千載名見錄漉巾陶先生洒清可掬杜陵倩整冠胡乃大拘束我今對西風迹已脫邊幅手摩綠絲髮顛倒插黃菊

遊小石城 馬子尚 名志仁號尚志齋



晨登石城山迢迢適艱阻浮雲斂層巒白日照榛莽風景妙  
莫測形像歷可數武夫擁前關銳士列環堵周遭森戈戟旋  
折耀旌鼓突至犀象驅奮躍虓虎怒虢孤更周麾臨衝失威  
武瀑布飛繼懸沉竈老龍努中有運籌室金鐵鑄門戶帷幄  
繞三匝堂陛雄九廡玄深邃梯壁營衛富譙櫓叱咤驚雲氣  
生吸忽電光吐共工嘆無為媧皇笑難補蒙恬有餘愧飛將  
欣快觀縱觀自棲遲適意忘疲苦共惟我聖皇方事千羽舞  
底用石頭城折柳足樊圃寄語山中靈俗吏還須杜時用不  
我需留作神仙所不見赤城峰尚使劉阮聚

元亮南歸

常仲微

名冲藍田人

人生百年期柰此日月駛同心隔山水悠々兩愁悴三年再  
相過涉彼萬餘里茅亭盍朋簪芝蘭本同氣風雨夜不眠談

經每心醉今晨又言歸執手慘垂涕秦嶺雲翳空灞岸柳搖  
吹誰言食蘗苦未試別離味願保千金軀無羞古人事

大極梅梢

熊勿軒

名木字夫非建安人

弄條倚南枝剝落見根抵形容若外槁精腴實中羨偃蹇勢  
難屈清風塵素滓自怜方寸微未發正如此

小春梅蕊

四野積陰洎九地微陽升特立表節操孤芳見精神矯々山  
林姿益々天地心自此一充拓萬宇同吾春

送鄭南仲赴昌化主簿

劉聲之

名獲三山人

熙寧言利臣官好固堪唾倖矣鄭介公直聲千古播幾葉有  
此孫能倡衆莫和湖學凶五年羶寒不禁坐况投萬山中瘦  
馬仍縣佐試訝鸞栖林何如蟻旋磨傳聞邑父老置酒預相



賀此士多讀書愛人不可貨今年秋風高勿畏茅屋破但慮  
執法家需君警貪墮白雲繚山腰凶竹累千箇坐念老廣文  
德尊猶坎軻縣庭一分寬百里減寒餓苟無澤物心卿相徒  
爾大版牘焉足稽絃歌故非過起瞻東壁明詎患南箕斲時  
訪隱者廬談餘曲肱臥公田定幾何適半種粳糯

題山外歸人

胡汲仲

名長孺永康人率海主簿

結屋北山阿境趣適有契閑寂聊悅心深密非避世誰令賦  
遠游山空冷蘭蕙人間萬得喪欣戚隨所制頗似觀優伶笑  
語雜悲涕戲弄刻漏間陳迹安足寄策杖歸去來溪深亦朝  
厲陟嶺見我屋竹柏松杉桂雨餘青一色淨埽如作篔簹行可  
休此足無言得深詣

擬古二首

毛靜可

高堂列綺席賓御何委蛇粲々金芙蓉春葩照蛾眉檀槽起  
清籟鐵撥弦鴟鷄抵聞造中曲不聞曲中詞蕭々青冢魂化  
作秋雁歸玉關去時淚點々濕朱絲豈知哀怨情及此懽笑  
期彈者錦纏頭聽者金屈卮但令今人樂不惜古人悲  
野色倏已暝零露沾我裳行役悲險艱仰愧歸鳥翔羈愁浩  
難收壯髮日已蒼遠林烟火微投宿扣村庄居人畢刈穫笑  
語井曰傍問客來何疲毋乃仕與商所慎在出門奚怨中  
路長

寄舒元易

李仲公

名存番易人

昔聞舒子言今已向三載可憐下愚者孳蔽不自解百年真  
倏忽况此弱而海嗟子古之徒菲體辱相來絕怜溝中蛭豈  
識江與海江海未云足天覆而地載明年亦多幸梢已開杻



掖青溪上山誓欲從子邁倘或與所聞雖死亦何悔

和張仲舉見懷

淫流冒郊郭昏墊如堯年坐令意中人十日墜周旋問信既  
為俗見懷斯有篇若人妙詩才華星麗秋天沈鮑不足避曹  
劉直欲肩時來林下居密竹涵清消戶牖鮮云異言談多所  
然世情有衰隆古道無陳鮮願為盤中漆莫作弓上弦盤枯  
漆不落弦枯弓自拘

汪主簿清明不出見寄

人情雨中花客情松上烟苟非薛下門何以歸龍泉附驥知  
自遠慕羊徒得羶君看長古人早晚乾無涎所以汲太守穩  
作淮陽眠昨日出東郭風榆吹綠錢流光一何情去我如郵  
專道逢誰家子饌奠號新叶感此不能已戎笳吹晚天

和信之板橋路中古風二首

杜仲梁 名仁傑

岸風坼枯凌野日明遠燒山晚雲烟深遊子悲嶮峭平生文  
字僻所歷入吟嘯急京不債人佳處領其要  
木杪來江光中途憩消搖佳人在空谷尺素昔見招徒老黃  
塵中愧爾漁與樵永懷梁父吟日暮風蕭蕭

髮黃有感

飄蕭中年髮既少何用白蒼黃未甚絲明知不更黑妻孥恐  
生悲勸我課鉏耨蒼然撫鏡鑷青山墮虛席

贈楊古煇

何夢桂 號潛齋  
嚴陵人

南山有岑樓岑樓高落星娟娟樓上女悠悠撫朱繩當年猗  
蘭操翻作長短吟世無千古人但遺千古心心長韻逾遠疏  
越難可尋曲盡無人聽月落霜滿城



和答李德臣

劉會孟

名辰翁廬陵人

忍寒一百五何開落忽之華堂托孤根棄我荆棘中味言隨時變茗薄酪自濃蚊蝶金縷衣更為悅已容雖無蛾眉妬懷抱常忡忡

屯田作

劉衡

為吏勿稱能為政勿稱奇能吏尚苛刻奇政少恩慈十年後薄宦此理漸次知吾敬民何慢吾信民何欺一有所未至廢事慙而墮風俗久澆漓尤當教誨之懲一以戒百庶用勞鞭笞大官勸農至軒蓋如雲馳條畫動十數應報無停期養民如養樹郭駝誠良規安知一牛死全家老稚飢見之不敢語回首長嗟咨陽城下之考甘責吾何辭尚愧志未勇歸來誰汝疵

題姚樵雲主簿卷

尹仲明

巴歌混雲門章甫變鷄羽大雅無知音滅沒何足數而我不量已冥搜徒自苦風月入吾手草木亦掀舞終然墮習氣未見脫塵腐先生不羈人雲間弄樵斧運思琢山骨下筆疾風雨解后所好同訪我青楓塢始疑种明逸乃見武功簿論心若平生志形孰賓主桃李俱塵埃青松日高古示我摩尼珠紅光照窓戶至瑤不可玩雋永宜細咀傑出固橫放頓挫更媚嫵尚當論千載豈與噲等伍若以法眼觀盍嗣涪翁祖且截葛藤禪一笑喫茶去

始皇

秦皇吞六國制度卑先王復道象天極長城巨朔方盧生偏饒舌衣冠竟離殃刀筆握八極詩書終壁藏赤子遭天闕



已思壽康神仙在何許  
鼓柁凌茫湘山雖可藉  
弱水終難航脩短自有定  
早為山鬼量六合正焦  
檣雲氣生芒碭

四皓

商山鬱嵯峨高風襲人清  
冥鴻竟長往人間但聞  
名乃後吾兒遊忽使隆  
準驚峨冠華岳得素髮  
秋霜明恭敬豈足重慢  
罵安能輕紫芝了晨昏  
焉用加璧迎誤墮良術  
中僅勝口舌爭誰謂四  
老人不如魯兩生

題畫史朱好古卷

李季和

真宰簸囊籥笑睨造化  
爐鼓金鑄賢智搏土作  
下愚畫史天機精竊見  
造化樞盤薄解衣縱當  
軒舐鉛朱沾塗狡兔翰  
神氣如走珠手掣巨鰲  
簪痰革生肌膚六丁拔  
山來下無根與株海風  
吹之凝累插江湖其中  
有幽人傲兀不可呼已  
知

畫手好令我心踟躕五湖  
風雨夕逕去理釣舟子  
技亦精絕白玉無疵瑕  
誰能薦天子遣之畫雲  
臺一朝被賞識富貴真  
萌芽但訪青牛君乞受  
黃金壺

題梅卷

北風吹倒山三日雪塞門  
惜岩谷裡萬木命在根  
天翁粲然笑洗出明月  
魂春如品中香已覺火  
力温

題淵明圖

張惟中

野鶴唳層霄白雲度幽谷  
諒彼曠士懷烏能受羈  
束一官聊復爾流光亦  
何速公田半種林惟恨  
酒不足胡顏揖小兒拂  
衣謝流俗時得斟酌賞  
頗謝顏光祿鬱澗底松  
采籬邊菊匪茲風霜姿  
疇能伴貞獨

陪揭先生暨諸公宴集東山分韻得還字



有客謝塵鞅結廬泉石間而我思會面寒衽扣柴關良朋既  
簪盞眷然開我顏沽酒斟酌之白日有餘閑天清霜鶴唳迥  
若非人寰風吹松上雲杯中見青山酪酊何所言逍遙以  
忘還

答呂玄卿教諭白髮詩

我有白苧衣惟恐塵土黑不謂頭上髮秋霜變成白衣黑猶  
可澣髮白徒用摘之又還生旁人笑何益黑者日漸稀白  
者多於昔覽鏡一茫然邈如不相識思欲養還丹復此舊時  
色遠尋安期生仙訣未由得衡門掩蒼苔頗似楊雄宅于中  
尚守玄杯酒聊自適

題沈氏三節婦卷

沈氏有孀居初聞惟姊姒不謂婦亦然同心誓生死使者廉  
問之嬾也誤辭旨旌書表双桓婦名獨不紀得失復何言相  
看俱老矣當時撫諸孤詎欲望褒美我觀栢舟詩國風一人  
耳一門而有三今古實罕比綱常天地間賢者能守此虫虫  
忘義人胡顏過閭里

挽倪仲權處士

丁鶴年

維鄞有高士乃居城北門伯舛列茅土弟昆羅搢紳先生視  
富貴蔑若行空雲蕭然坐一室詩書日討論忠信化閭里孝  
友敦親姻用茲以歿世人亡道彌尊我昔客東海託交見天  
真筆之金石義藹之骨肉恩豈意隔生死相思勞夢魂尚怜  
靈鳳毛符彩備五珎每過話疇昔相對淚沾巾我悲匪兒女  
所感在斯文

悼亡



別時如玉人歸來死生隔日暮泣孤墳音容杳難得惟餘墳  
上草猶帶羅裙色

歲晏百憂集二首

歲晏百憂集獨坐彈鳴琴琴聲久不諧何以怡我心拂衣出  
門去荆棘當道深還歸茅屋底抱膝梁父吟  
歲晏百憂集擊筑發商歌商歌未終調淚下如縣河故鄉渺  
何許北斗南嗟峨有家不可歸無家將奈何

奉懷九靈先生就次其留別舊韻二首

晴霞麗層霄淑景媚清曙卉草際煙盈花上露幽禽何  
處來飛鳴入庭樹不見心所親坐待停雲度  
攀桂月扶疎撫松雲陸離豈無淡蕩懷亦有幽貞期何緣對  
清景孤坐度芳時故人不可見新交非所知

題畫二首

天連翠障開兩袂銀河瀉中有澹蕩人於焉結茅舍朝漁曲  
渚湄暮獵平林下危途策羸驂汨汨胡為者  
荒之野日低漠漠江雲冷喬林延暮光澄波浴秋影高人千  
載懷乾坤一漁艇

早秋偶作寄宋景濂二首

吳立夫

西風吹梧桐一葉兩葉積故書翻有塵雄劍掛在壁時非合  
窮困事到即禪赫除却双鹿行門前少人迹  
北山有古寺脩竹炎天涼蛟龍踞兩澗鶴鶴鳴層岡心臺月  
照白鼻觀烟通香可思未到詠此招隱章

大食餅

西南有大食國自波斯傳茲人取解寶厥土善陶埴素餅一



二尺金碧粲相鮮晶瑩龍宮獻錯落鬼斧鐫粟紋起點綴花  
穉蟠蜿誕定州讓巧薄中邑鬪清堅脫指滑欲墮凝瞳冷將  
穿秋玳賈胡力直致鮫鱗淵常嗟古器物頗為世所指襟衫  
易冠袞盤盞改豆邊禮畜日以變戎索豈其然在時苟適用  
重譯志來前大衆幸混一四海際幅員縣度縛繩紲娑夷航  
隔船鑿空發使節隨俗混民編漢玉堆積筭蕃羅塞鞞鞞城  
池信不隔服食柰渠遷輪刃即上據鼎釜疇能有插葩奪豔  
冷盛酪添馨羶當筵特見異博識無庸詮藏之或論價裏此  
猶吾甌珊瑚尚可擊磧路徒飛烟彼還彼互市我且我括圈  
角貓獨不出記取征西年

飲酒

我昔不解飲病來持一觥一觥亦已醉二豎敢相攫忽然秋

毫大况乃泰華輕豈其陰陽是妄使龍虎爭冰替水為山火  
鼠火烘城一元本同氣萬物却異情機関有大運稟受通群  
氓轉移苟不定顛倒尚何管百年之幾時愁賦空餘聲并鮮  
起自鑒面目吁可驚試攀松樹枝復攬芝草莖但當盡此酒  
不在學長生

題天台山張節婦卷

古人重首教夫婦係民彝自後初御輪禮有親結縞百年主  
家室中饋務倡隨盍先苟不待從一幸無虧世途日趨下貞  
節誰肯持於焉見管蒯早歲哭總帷荼毒守几席惡筭毀容  
儀旦夕執醢奠春秋動悲思病姑坐堂上躬養我卮匱稚孩  
倚床側慈訓我書詩奉老當以終撫孤敢如遺白頭誓不爽  
黃土詎有知我生何惻我死迺吾期惜哉歡娛際指我少



艾時鸞鏡塵已蝕錦衾淚還緇史管獨不煒春裳忍為私因  
之念三季似此實女師谷風或棄背行露且陵欺詠歌可勸  
諷開卷益嗟咨後來桑濮地不廢柏舟辭

浦陽舊有明月泉久而不應今乃疏道其源似頗與  
弦望晦朔之間相為消長者遂作是詩

大區何渾淪元氣乃潛洩忽然為山水無往不融結遙天偶  
一照厚地空餘列盈將光共生涸與鬼同滅玄機自消長至  
理誰圓缺發揮雖有在窺測尚未決枯查曾幾棲斷湫遽中  
裂半倚嵐翠雲微通海潮雪昔人來推求於此得表絕虛亭  
奚其敞靜甃獨不齧歲年竟悠遠沙石漸填咽寧加疏滄功  
肯使見聞褻恍疑合圖經環坐到稚耆倘非蟹投碣幾類鮒  
處輒織浮晶采湛浸寥泬舊觀方尔還真源可吾蠶爭

言彼月行豈為茲泉設蕭丘胡長寒漢井或再熱逝尋白兔  
公直探神龍穴狂歌水仙詞擊碎如意鐵

和陶淵明詠貧士

人主自沉靜豈得非意干宜執揚執戟三世不徙官窮冬無  
完褐晷日止一餐美芹終不獻晨暎尚餘寒手種老松樹蒼  
然霜雪顏政尔有佳思清風吾掩關

秋夜不寐觸物感事雜然成章言無流例適興而已

凡十一首

許益之

秋風撼庭樹京月素暉蟬蟀鳴床隅飛螢入羅幃憂來不  
得寐散步寒我以此持節換種之雙鬢絲義軒大聖人寧  
復留今茲陰易會元化之順夫奚疑顏堅樹德心沒身以為  
期



庭前餘晦地性靈者甘菊種苗日已長時至酒亦熟携壺對  
秋英朝夕共幽黃春風拂嘉樹朱紫繁溢目感金羅裳衣新  
聲間絲竹此日胡不樂日月如轉燭霜露締結清寒香謾盈  
掬子意人所後今亦矢弗告

魏之岱嶽尊蔚若衆山宗東南蒼日觀赫之初曦紅在昔七  
十君登封告成功上有古車轍求其蹤大門險而豁小  
門曲以通攀緣至中道力盡

鳳凰甘竹實麋鹿樂食焉室家展矣求邦媛絕代有  
佳人窈窕無倩盼寒條結繡縷度幾百年心切  
后今夕見壁彼七襄女隔河漢烏得授君綬徒能觀  
面

我家東國洛高賞甲中州良田藝稻秫桑麻聯連疇嗟波日

月除夙駕將遠遊煌煌幾名都挈懼不周朝遊百花園慕  
飲倡家樓何當據要津快意耐恩讎忽崦嵫景須更爲誰  
留幡然憶故國惻徒心憂致遠豈無車濟盈亦有舟子胡  
不來歸狐死知首丘

芍藥貯春秀穠姿弄柔媚擬笑已傾城衆芳詎能比摘華不  
食實何如蒹粟味括談竟危趙甯愚乃存衛有斐世所欽敷  
行古來貴

首山終身臥莘野三聘起去齊接浙行梁招車暫止春雨膏  
群物淒霜草秋靡柔纒駑駘祖道別閭里瑤池王母是計  
日策可指羊腸盤太行沙道弱水咫尺不得前良畝非謹  
始願為雙飛鴻栖息清江沚

昔有狂接輿躬耕樂其貧楚使致君命金車爛盈門先生咲



不應行留尚逡巡一朝感妻言跡遁聲不聞惜哉先生賢智  
不及婦人

昔有北宮子懷德不自知衣褐食粢糲陋室前茅茨因人論  
窮達自失偶歸道逢東郭生言天釋其疑迫然將終身始  
悟非人為君子貴聞道匪石不可移胡為浪動心戚還嘻  
盈之谷中花皎當恣女朝衣日窺鏡揚督還自許風雨淒  
暮春花飛返無所玉顏長不改恥與施嬙伍一朝歸度朔骨  
肉陰為土飾兒不飾心泯滅何足數

何山名不周疇觸天柱折女媧上智人煉石補其缺日月軌  
道行共辰衆星列從茲轉大鈞萬物欣以悅堯年水襄陵湯  
世九澤竭瑟調柱奚膠壁白緇愚公厭王屋胡寧一簣  
撤孫子傳其愚千載名未滅

青之巖下松倚澗中蘭長山饒靈異佳氣長鬱鬱盛尚論多  
哲人逸駕不可攀舊聞赤松子牧羊在茲山安期煉五石奕  
具白石閑飡霞吸沆瀣松下時往還振袂登前岡高揖凌雲  
烟姑舍御風術且復羈勒寬

題浩然齋

元氣塞太虛闔闔理昭著惟人萬物靈剛大鈞所賦藐然配  
坤乾豈不以是故安行孰能希智鑿失其素呂梁東河流疾  
風水奔注苟無操舟術咫尺不可游康莊範馳驅千載積跬  
步務茲芸苗功無為掘苗助秉心慎終始恢乎有餘裕齋居  
日已省目擊內環願名言諒非艱允出乃其庶

上李照磨

中原清泚氣世代生偉人伯陽孔子師千載今雲孫窮經入



閨奧探道提綱綸襟懷洒秋月論議開愚昏大材古難用暫  
屈寧久伸要當推所學利澤均斯民

自挽

葉景南

至正辛卯秋天賦我人屬不肖且不愚無榮亦無辱倏忽八  
十三光陰一瞬目有生則有死我死非壽促昨暮同為人今  
旦在鬼錄魂氣散何之遺骸寄空木親友弔之哀兒孫撫我  
哭人以壽為奇我以死為福但恨在世間讀書不得多戒尔  
諸子孫聽我叮嚀囑佛事切莫作作之反褻瀆佛言四相非  
焉能有地獄先賢有格言莫信浮屠局

古瑟

張光弼

錦瑟古之樂造自軒轅間朱絲五十絃柱列鵝鷺班中有洞  
庭水白日興波瀾人文際昌期出應清廟彈洋洋雅頌音一

攀唱而三嘆神人既以和鳳鳥翔其翰聖明御天下百靈咸仰

讀離騷經

三閭楚同姓然生於所愛諛人在君側繩墨日徇背虞茲宗  
社隕繁辭冀收採反覆三致忠九死猶未悔靈修終不察遂  
投汨羅內斯文幸未喪風雅接三代豈惟南國士汲之仰露  
漑

古詩七首

彌衡輕狡人况以才自負將赴漁陽槁梅人還自悔曹公豈  
容物嫁惡與黃祖值茲勸際焉用鸚鵡賦所以賢達士貴  
在識時務

嗣宗絕感不喜若處時晦詠懷數十篇倬尔追漢魏駕車哭



而返此豈無所謂嘯登廣武臺神氣偶相會後來個儻心土  
直視富貴惟有步兵厨可用時一醉

淵明君子儒心事甚夷曠醉來得佳眠自謂羲皇上文章固  
可誦節槩尤所仰且無州縣拘安得言不放託志聖賢錄千  
載成絕響

高人王右丞輜川亦有樂位居尚書省志不異丘壑誰言肉  
食鄙而不事澹泊辭擅大雅名集多應制作唐音得所宗夫  
子寔先覺

工部行在官飢寒莫與比奔走盜賊中朝夕命如寄一飯不  
忘君危言以鳴世親蒙萬乘知不救妻子累文章天地間風  
雅可無愧賦者謾接迹此作竟誰繼

襄陽孟浩然五言擅時譽迹放羈旅間氣藉江山助感懷峴

山作託興洞庭賦九重獲見知一語乃上忤弊廬南山歸亦  
足蔽風雨篇章如可傳可傳遇不遇

蘇州常刺史早事武皇帝既蒙南宮錄復膺符竹寄折節就  
繩墨檢身勤治理賦詩長日靜閣餘香至晚逢楊開府感  
激道所以宜尔金玉音風雅存遺製

拙逸詩

守拙中乃逸用智機或生所以抱真士泯焉黜聰明賣藥不  
二價懸壺無姓名逍遙城市間心與造物并鶴長斷則悲鳧  
短續則驚萬物有常性巧偽非人情乘黃一剪拂千里無留  
行賢我拙逸翁可以為世程

題簡掾辨誣卷後

種蘭雜荆棘長傷蘭根結交或匪良中道生謗言所以明



哲士慎之非一門美玉累卞和明珠誣馬援終焉各有辨暫  
屈寧為寃

壽光宮訪道士不遇留題

高阜臨大溪激流喧眾石中藏壽光宮年深翳金碧儼然天  
人尊羽衛何赫奕回廊蔭古木苔蘚少行跡傳昔丹霞士於  
斯鍊金液丹井雖尚存鸞鶴無一隻徘徊長松下瞻望雲氣  
白不見種桃人惆悵理還策

種德堂為岳鑿士題

種德不在淺種藥不在深雖有千畝地不如方寸心種之百  
年後所得非尺尋忠信乃佳實慈愛為繁陰如有仙人杏一  
核延千林以此惠後嗣安用多黃金

百馬圖

畫師畫馬時心與馬為一精神各自分萃此馬百疋起臥適  
馬性踴躍通馬力逸如龍在水馳若虎而翼遊牝得群聚風  
騰各相及或滾塵沙黃或嘶草芽碧石豈無麒麟骨松下鹽車  
泣誰將朔漢大畜盡歸咫尺曹韓不並世按畜為尔惜

送周東甫

黃元鎮名鎮號存

西風吹長林寒月流高秋誰鳴飛鴈送子以遠遊遠遊何  
所好山川誠阻脩白露隋蒹葭清寒生敝裘徘徊在中路念  
子行且休朝發扶桑館夕登崑崙立手中琪花春長揖不可  
留高堂八十年反哺待時羞歸來釣雙鯉已具西江舟

天池石壁為鍊雅賦

張伯雨名天兩號句曲外史錢唐人

嘗讀枕中記華山閔中吳神泉發其顛青壁綠其隅春風四  
山來群綠互紛扶羽觴曲折行浮花與之俱採珠塞薛荔洗



玉弄芙蓉整叟頗好名石窪作魚湖鴻乙志草堂挑烟遂成  
圖而此滌煩礙閱世如揮痛發興雲林子盥手與我摹居然  
縮地法挈入壺八壺

送象先鏡上人歸南昌 釋碧虛 名道充

赤霄有紫鳳文彩光陸離不肯阿閣巢寧受樊籠羈垂翠  
筠實翳梧桐枝豈無食息好違欲何之神聽激長翻群  
翼何由追還作朝陽鳴尉此長年思


潛居記 王伯永 名閏孫號懶雲青田人

嘗閱潛夫論未聞潛居記今朝誦子文已得其所以試觀魚  
潛淵亦豈知在水洋縱大壑鼓鬣而掉尾雖云我非魚要  
識魚樂意大鈞播形色物我須一理素行安吾天顯晦何與  
已寂然反內照孰謂我非子願同懋潛德俯仰了無愧

文翰類選大成卷第二十六五言古詩目錄 國朝

- 劉基 三首 宋濂 三首 梁寅 八首 王禕 二首
- 顧觀 一首 鄭嘉 二首 揭軌 七首 劉彥昂 八首
- 高啓 六首 詹同 一首 馬士虎 一首 趙禮 一首
- 高震 一首 黃哲 二首 唐之澤 二首 唐肅 一首
- 毛鉉 一首 張經 一首 陶安 一首 夏煜 一首
- 黎本寧 二首 朱善 三首 注廣洋 三首 鄭淵 五首
- 呂仲善 一首 藍靜 一首 董珣 一首 滕毅 二首
- 董佐才 一首 劉秋 一首 楊訓文 二首 王沂 一首
- 戴良 一首 錙渙 二首 陳韶 一首 錙績 九首
- 王誼 六首 羅絃 一首 章總 二首 曹閻 一首





陳端一首 周湏三首 涂穎四首 吳彤三首

蘭以權一首 張紳二首 戈鎬二首 李孚一首

王佑一首 劉丞直七首 楊翮二首 黃肅七首

吳植一首 牛諒一首 吳伯宗二首 周子諒三首

錙師邵四首 張孟兼五首 孫蕢二首 劉仔肩六首

宋璲一首 陳璧一首 涂浚一首 蘇伯衡二首

朱孟辯一首 趙介二首 王宣一首 黎貞一首

趙絢一首 梁窳一首 王惠一首 梁拱辰一首

徐天逸一首 顧祿七首 許廷慎一首 林錫一首

徐一清一首 許存禮一首 王紳一首 張季充九首

林鴻八首 林誌一首 曾一本三首

文翰類選大成卷二十六目錄終



